

'Sëédhε 'wo- bɔ

Atanna -bha mε -nu 'wo

Eblö

'ka -a -nu -dhε

Atanna -bha dhiang -zë mε "bhu- -dhε -kɔ -dhiang 'wo- zë Eblö -nu -dhε.

1 1-Yö kē ka "yaan =dhε 'ö gun yi 'bha 'ka, Atanna -yö kē -bɔ ö -wudhiüloome -nu =nē- -nu -ta -gen -yan 'gbe =dede 'ka "εen -kɔ 'gbe =dede 'gü, 'yö dhiang zë kwa "bhεma -nu -dhε. ²"Kεε -yö bɔ -sü 'ka ö Gbö =dede =nē- -ta "tüng -totaamasü 'kwa dɔ- 'ka ya- 'gü, 'yö dhiang zë kwa -dhε. -Yö -bɔ yö =nē- -ta 'yö -tosea -pē -kē, -yö yöö do bha 'zü =nē- -ya -sü 'ka pē =gban "pεpe -mε 'ka. ³Yö 'ö bha =nē Atanna -bha 'tɔbhɔdhε 'ö dhang- 'gü bha- "blεen- 'ka. Yö 'ö bha =nē Atanna -bhɔ bha =dede 'ka "kpuŋg -taa. Yö 'ö bha =nē "kpuŋgtaadhε -todhüsü 'dhö -tosea kē siē- -wu -bha 'gügbugdhε -bha. Yö 'ö bha =nē =dhε 'ö =ya 'ö bo mε "bhu- -nu -dha -a -nu -bha 'wɔn yaa -gɔ -sü 'ka, 'yö dho 'ö -ya -yεa -sē 'ö- Dë Atanna "mlümlüsü bha- "sɔɔ dhang- 'gü bha- 'gü.

Yesu Klisi -due -kē 'kpii- Atanna -bha "kiē -nu -gɔ -sü -dhiang 'wo- zë

⁴-A -kē 'dhö -sü bha- 'gü -a -due 'ö 'dhö, 'waa- -zɔn -zianwo Atanna -bha "kiē -nu -bha 'ka, 'wɔn 'ö- -wɔn 'gü 'yö 'tɔ 'ö =bhlëésü 'ö -ziö -a -nu -bha -ta Atanna -ya nu- -dhε bha 'yö bha. ⁵"εen 'ka- ma 'mε do =dhε Atanna =yaa- pö ö -bha "kiē 'bha -dhε =dhε:

«Bhi =nē 'i n Gbö 'ka,
'ma- pö n "dhi 'ka =dεε
=dhε ma =nē 'a i Dë 'ka?»

"εen =yaa- pö ö -bha "kiē -mεε =nē- -dhε do 'zü =dhε:

«A -dho kë i Dë 'ka, 'yö 'i -kë n Gbö 'ka.»

6 "Kεε =dhe 'ö Atanna yöö ö Gbö do 'ö- -bha 'në -blæssü 'ka bha- bɔ
"kɔpɔŋ =taa 'yö- pö:

«A -dheä -bha -dhe ma "kië -nu =gban "pεpε -wo zun- -dhe kpiö 'gü.»

7 'Yö- pö 'zü ö -bha "kië -nu -bu 'gü -dhe:

«Yö ö -bha "kië -nu -kë "tεε 'ka,

'yö- -nu -kë 'pö peng 'nεε- 'ka.»

8 "Kεε =dhe 'ö zun ö Gbö -zë -bha 'yö- pö:

«"Kεε bhii Atanna -mε -zë i -bha -gblüdedhe 'dhö

-kɔ 'ö- -bha 'yö dho 'to- -bha,

-a -bho "gbluv -pë 'yii 'dho kë tongtongdhö,

'sa pö 'yii 'dho kë i -bha mεdhe bha- -bha,

9 -a -gɛn -mü =dhe 'wɔn 'ö pö 'aa- -bha =në- kë -dho -yö i -kë,

'wɔn yaa -dho 'yaa i kë,

'wɔn 'ö- -wɔn 'gü, 'yö Atanna 'ö -kë i -bha Atanna 'ka bha

'ö i -ya -sü 'ka, 'yö i pa -sü 'ka zuëniida 'ka,

'yö -due 'ö =bhlëssü 'ö -ziö i "tayɔɔ -nu -bha -ta

-a nu -sü 'ka i -dhe.» bha 'yö bha.

10 'Yö -ya mü 'zü 'ö- pö:

«Bhi =në bhi -zë 'i "sε -kë -a zübhoyi 'ka,

'yö 'i dhang- -pë -kë i =dede -kɔ "dhe 'ka, n Dëme.

11 'Sa 'pë 'i- -nu -kë "dhü bha =gban- -dho ziö,

"kεε bhi -zë, i -dho 'to "dhü doseng.

-Wo -dho kë zii -dhe sɔ 'dhö,

12 'ö 'i- -nu -yε =dhe sɔ 'dhö,

'ö- 'dhe =ya "blë 'i- -dee -pë -kë,

"kεε bhi -zë, -kɔ do 'i- 'ka 'yö 'i dho 'to- 'ka,

i -kwe 'bha 'yii 'dho "kan "dhiü tongtongdhö.»

13 "Een Atanna =yaa- pö 'zü ö -bha "kië 'bha -dhe do =dhe:

«-Bhö nu kö 'i -ya -yεa -së 'ö n "sɔɔ ya- 'gü

kö -yö 'dho -yö zun- 'ka yi 'a -dho i -kɔ =mɔɔ- 'ka

i 'yaa- -nu -bha -a -bha -ee?»

14 -A -kë "dhü -sü bha- 'gü, kö Atanna -bha "kië -nu bha "yina "klu -së

-nu -mü. Wo =në 'wo- -kɔ "dhiü 'yö- -nu bɔ -nu wo 'mε 'ö- -nu -ya -tosεa

-së këme 'ka -a -bha -gblüdedhepö 'gü dhia" -a -nu -ta 'kun -dhe 'gü. ("Kεε

Yesu Klisi =në- -due 'dhö 'kpii- Atanna wëëdhö.)

2 1 'Wɔn 'ö- -wɔn 'gü 'yö- -dhe 'dhö- -bha =dhe teanwɔn 'kwa- ma

'ö -gban Yesu Klisi -wɔn -bha bha 'kwa 'to -kplü -sü 'ka- -bha

kpenngkpenngdhö, kë "dhü kö 'wa 'dho kwa gɔɔ bho 'wo dho kwa 'ka

=dheng -zian -ta bha 'yö bha. 2 -A -gɛn -mü =dhe "sanni 'tɔng- 'ö Atanna

-bha "kië -nu -wa dɔ yi 'bha 'ka Moizö -dhe kö -ya dɔ Izraëdhö -mε -nu

-dhe bha- 'gü -wɔn -yö kë, kö mε "bv me 'ö 'yii- 'gü -wɔn kë kö Atanna

-yö 'wɔn bho- -mɛ 'gü -a -naa -bha bha -oo, ³yö- 'dhe 'kö Klisi yöö -dede 'ö- pö -wɛ? -A pö 'a- wo 'dhü bha- 'klɔɔ- -mü -dhe dha -sü 'kwa- -dhiang ma bha kwa Dɛmɛ bha yöö -dede -nɛ- -blɛsü pö, 'yö 'mɛ 'wo- ma bha, -a -bhlɛɛ 'dhö 'pɛ 'ö- 'ka 'wo- -dhiang zɛ kwa -dhe. ⁴'Yö Atanna -du 'pö 'ö ö -kɔ "gbluɔ -ya -a -nu -bha "sɛɛ- -dhe bha- 'gü 'dhabhliwɔn 'sɛɛnɛ -nu waa- "gblügblü -nu kɛ -sü 'ka. Kɛ "dhü kö 'kwa- 'wɔn dɔ- -bha -dhe 'yaa -sua 'ka. 'Yö dho 'zü 'ö -bhɔdhe 'ö- -bha 'Nii- "slüöslü -ya bho mɛ -dhe bha- 'gü -gblü 'mɛ 'wo 'dhiang bho 'wɔn bha- "dhiü bha- -nu -ta -kɔ 'ö -dhi -dhe -a 'gü.

⁵'Sa -yö kɛ ka "yaan -dhe -dhekpɔɔ dhia" yi- -dhiang zɛ siɛ bha, Atanna 'yii ö -bha "kiɛ -nu -zɛ -a -nu -ya -a -gɔdhiü -mɛ 'ka, -yö Yesu Klisi -nɛ- -ya. ⁶-A -gen -mü -dhe mɛ 'bha -ya pö -sü 'ka Atanna -wu 'gü -dhe 'bha 'gü mü -dhe:

«Aa n Dɛ Atanna, mebhudhe -kɛ -mɛ 'ka
 'yö i -zɔ -yö -bö -a -wɔn -ta?
 "ɛɛn mebhudhe -dhe -mɛ -dede -nɛ- 'dhö
 'yö 'i -ya -wɔn zuɛn -ta?

⁷Yö -zɛ mɛ =ya waa- i -bha "kiɛ -nu -a -nu -ya 'ko "dhiü,
 'bha- -bha 'tɔbhɔdhe bha- -da 'nɛ 'bha
 -wo i -bha "kiɛ -nu -bha =wlöö "tüng 'nɛ 'bha 'ka,
 'yö 'bha -ya mü 'zü 'bha- nu- -dhe,
 =ya 'go mü 'zü 'bha -bhlɛɛ -ya -bha -dhe -kɔ
 'wo- -ya 'ka -gblüdɛ -bha -a 'dhö,

⁸'ö go mü 'zü 'bha -kɔ -mɔɔ pɛ =gban "pɛpɛ -bha -sü -faan nu- -dhe.»
 =Waa- pö Atanna -ya -kɔ -ziö pɛ =gban "pɛpɛ -gɔ -sü -faan nu mɛ "bhu-
 -dhe, kö -wo -wɛ pɛ =gban "pɛpɛ suu -dede -nɛ- 'ka, kö 'wii pɛ 'bha -pɛ
 'bha -gɔ 'sü- 'gü. "Kɛɛ 'sa yö -zɛ =gban 'gü mɛ 'yaa- -dhe yö "tüng 'kö 'kwa
 dɔ- 'ka ya- 'gü -dhe -a -kɔ -yö ziö -sü 'ka pɛ =gban "pɛpɛ -gɔ. ⁹"Kɛɛ kwa-
 'suan- -zɛ bho -dhe Yesu bha -nɛ Atanna -ya -bhlɛɛ -da ö -bha "kiɛ -nu
 -bha =wlöö "tüng 'ö -tosɛa kɛ- 'ka "kpung =taa bha- 'ka. Kɛ "dhü kö -yö ga
 mɛ =gban "pɛpɛ -wɔn 'gü, -gasite 'ö Atanna -ya -kɛ kwa -dhe bha- -wɔn 'gü,
 "kɛɛ 'yö 'kwa- yö siɛ 'zü -dɛɛ 'tɔbhɔdhe waa- -bhlɛɛ -nu 'yi -bhaa ga 'ö-
 wo "dhü bha- -wɔn 'gü bha. ¹⁰'Sa -a -dhe -gun -bha 'nu -dhe Atanna 'ö pɛ
 =gban "pɛpɛ -da, 'ö pɛ =gban "pɛpɛ 'wo 'dhö yö -nɛ- 'saa- 'gü bha, -yö Yesu
 bha -nɛ- kɛ -saan kwa -wɔn 'gü -mɛ 'ka. Kö -yö kɛ kwa dha -sü bha- -gɔ
 -da 'plöö -kɔ 'ka. Kɛ "dhü kö ö bhang -nu bha- mɛ 'gbɛ 'kwa kɛ -da -a -bha
 -gblüdɛdhɛpö 'gü -mɛ 'ka, -a -gen -mü -dhe Yesu bha -nɛ -da -nu 'ka mü
 -mɛ 'ka.

¹¹Yesu bha -nɛ mɛ =gban -bha 'wɔn yaa -bho -nu -bha -mɛ 'ka Atanna
 wɛɛdhö, 'yö 'mɛ 'ö =ya bo -a -nu -bha 'wɔn yaa -bho -nu -bha -sü 'ka "dhü
 bha wɛng- -nu 'wo -kɛ Dɛ do bhang -nu 'ka. 'Wɔn 'ö- -wɔn 'gü, 'yö- -nu
 -dhe 'ö dheebhang -sü 'yiü- 'yaa- kɛ bha 'yö bha. ¹²-Ya -zɛ yö -nɛ- -wɔn
 -dhe 'yö dhiang zɛ 'ö- pö:

«N Dë Atanna a -dho i -dhiang zë n dheebhang -nu -dhe,
 'ö 'a "tan bho i -zü me kpö 'gü.»

13 Yö -ya mü 'zü 'ö- pö:

«A -dho n -zu yö Atanna -dhe.»

'Yö go mü 'zü 'ö- pö:

«Atanna -bha 'në -nu 'ö- nu n -dhe bha =në yeng- -nu 'yi ya.»

14 -Dhe 'ö -kë -dhe 'me 'ö- -nu -dhe sië Atanna -bha 'në -nu bha mebhudhe
 'yaan- -dhe -nu -mü bha yö =në- -wɔn 'gü, 'yö yöö -du 'pö 'ö -gla me "bhu-
 'gü -dhe -a -nu 'dhö. Kë "dhü kö ga 'ö yöö- wo bha, -yö kë ö -kɔ -ziö Sɔtraan
 'ö -ga -bha 'gügbudhe 'dhö- -gɔ bha- -gɔ -sü 'ka, 15 kö 'me 'wo gun -dhe me
 'dhö =dhuëng 'ka -kpeawo -a -nu -bha -suö ga -gɔ -sü -wɔn 'gü bha, -yö kë-
 -nu dha -kɔ 'ka. 16 -A -gen -mü =dhe nu 'ö- wo "kpung =taa bha 'yii nu kö -yö
 Atanna -bha "kië -nu -zë -a -nu -ta 'kun. -Yö -nu kö -ya kë -dhe -kɔ 'ö Atanna
 -wu -ya pö- 'ka =në- 'dhö =dhe: -Yö -nu Ablaamö suu 'gü -në -nu =në- -nu -ta
 'kun -dhe 'gü. 17 Yö =në- -wɔn 'gü, 'yö- -dhe 'dhö gun- -bha =dhe -yö kë =dhe ö
 dheebhang -nu bha- -nu 'dhö -kɔ =gban suu 'do 'do =në- 'gü. Kë "dhü kö 'ö kë
 -a -nu -bha "saabhomé 'kpii- 'ö 'yaa ö -wu 'to -a 'ka Atanna wëëdhö, -a -gen
 -mü =dhe -a -dhea -bha =dhe 'me 'ö "saabhomé 'kpii- 'ka "dhü bha -yö kë 'me
 'ö mebhudhe -wëë -ya -kë, "këë 'ö 'wo 'dhang bho- "dhiü -a këwɔn -nu 'wo
 Atanna wëëdhö -a 'gü =në- 'ka. Kë "dhü kö Atanna -yö =mɔɔ- -bha -yö ö -bha
 "següme -nu -mawɔn 'to. 18 'Sa -a kë 'ö- wo "dhü bha =në- -wɔn 'gü, 'yö =mɔɔ-
 -bha "tüng 'kwa dɔ- 'ka ya- 'gü, 'yö Sɔtraan 'dhö 'me -a -nu 'gü dan sië bha,
 'yö- -nu -ta kun, -a -gen -mü -dhe -yö kë yöö -du 'pö- 'gü -dan.

Yesu =bhlëë -bha -kë 'kpii- Moizö -gɔ -sü -dhiang 'wo- zë

3 1 Yö =në- -wɔn 'gü, n dheebhang "slüöslü -nu 'ö 'ka 'dhang bho Yesu
 Klisi -wɔn "dhiü, ka 'ö Atanna =në ka -dhe 'pö bha, -ka Yesu Klisi 'ö-
 bɔ kö -yö kë kwa -bha -zu -yö -dhe -sü 'kwa- dhiang zë sië bha- "saabhomé
 'kpii- 'ka bha =në- -ga. 2 -A pö 'a- wo "dhü bha- 'klɔɔ- -mü -dhe yö ö bha =në
 'yii 'go ö -wu -ta Atanna 'ö- -ya 'wɔn bha- këme 'ka bha- -dhe, =dhe -kɔ 'ö
 Moizö -ya -kë 'ka 'pö Atanna -bha yë 'ö- dɔ- -kɔ 'ka -a -gɔ 'kɔɔdhö bha- 'gü
 yi 'bha 'ka bha- 'dhö. 3 -Ka ka 'yan 'to yö =në- -bha, -a -gen -mü -dhe yö
 =në- =bhlëë 'dhö 'kpii- Moizö -bha -dhe 'kɔdɔme -zë =bhlëë 'dhö 'kpii- 'kɔ
 'ö- dɔ -a -bha -kɔ 'ö- 'gü bha- 'dhö. 4 -A pö 'a- wo "dhü bha- 'klɔɔ- -mü -dhe
 'kɔ "pepe kö 'dhö, me =në- -gban dɔ, 'sa Atanna =në pë -gban "pepe -da.
 5 Moizö 'yii pë "pepe 'ö Atanna -ya këwɔn pö- -dhe ö -gɔ 'kɔɔdhö =në- do
 -zian 'to. Yö -zë Atanna -bha gwëëmi 'ö- -ya 'wɔn 'ö yöö- kë -a pö -me 'ka
 =në gun- 'ka. 6 "Këë Klisi -bha 'to 'ö- wo ö -wu -ta bha -ya -wo "dhü -a -bha
 -kë Atanna Gbö 'ka -sü, kö -ya 'sü -ya -ya ö -bha 'kɔ -gɔ "dhiü bha =në- 'gü.
 'Sa -a -bha 'kɔ 'ö "dhü bha yö -mü kwa =në kwa 'ka "ni kö 'kwa 'to -kplü -sü
 -zë 'ka 'wɔn 'ö kwa -zu 'dhö- 'gü 'ö kwa =nii -da sië bha- -bha, kö kwa -bha
 'dhang -bho -a "dhiü -sü bha -ya 'to kwa -kweng.

**Atanna -bha me -nu -bha -ya wo -dt 'flëë- 'gü
-sü -dhiang 'wo- zë Eblö -nu -dhe**

- 7 Wɔn 'ö- -wɔn 'gü, 'yö Atanna -bha 'Nii- 'slüüslü -yö dhiang zë 'ö- pö:
 8 «Ya kë -dhe 'ka n -wu ma -dɛɛ 'ö -dɛɛ 'ka -a 'gü,
 -ka 'to kö 'ka 'dhang bho- "dhiü,
 'ka 'dho -kɛgbaandhe kë -dhe -kɔ
 'ö ka "bhema -nu -wa -kë 'ka yi 'bha 'ka "wla -ta,
 'ö 'wo n 'gü dan bha- 'dhö.
- 9 -A -gen -mü -dhe ka "bhema -nu
 -wo kë n -gen -mɔɔ yi 'bha 'ka "wla -ta,
 'ö 'wo n 'gü dan,
 'sa kö- -nu "yan -yö 'wɔn -nu
 'a- kë sië- -nu kpö 'gü bha- -bha "dhü
 -kwe -kaɔng -yiisiö 'ka.
- 10 Wɔn 'ö- bhlɔɔ -yö ma n 'gü,
 'yö 'a- pö- -nu zuëga -ya -nu -zian -në- -kë -kpɛawo
 -a -nu -zu 'gɔn -kɔ -nu 'gü,
 'waa n dhɔɔbhaa -zian dɔ tongtongdhö bha 'yö bha.
- 11 A -sö -bhö yö -në- 'gü,
 'a- pö 'wii 'dho wo -gen -da -ya -dt 'flëë- 'gü
 -dhe 'ö n -yɛa -bhaa bha- 'gü tongtongdhö.»
- 12 -A -kë "dhü -sü bha- 'gü, n dheebhang -nu, -kaa kë -së kö me 'bha
 zuëga 'ya 'dho kë yaa 'ka, "kɛɛ "gbu- 'ka ka kpö 'gü, 'ö- -mɛ -yö -kan
 Atanna "yaan -sü bha- -bha. 13 Kaa -zian -zë -ka ka 'ko -nu faan -në- dɔ
 -kpɛawo kö 'ka 'dho- 'ka, kö -yö 'to- 'ka "dhü -yö zun- 'ka -dɛɛ 'ö Atanna
 -wu 'sëédhe -yö -wɪ 'ka bha- ziö -sü -bha. Kë "dhü kö me 'bha 'ya 'dho
 kwaa ö -dt -zü 'ö 'wɔn yaa -yö "kpënn- -kë -gɔ 'ö- zuë" -yö -kë 'zü -deewo
 "glɔɔglɔ. 14 -A pö 'a- wo "dhü bha- 'klɔɔ- -mü -dhe -ya kë -dhe -zu -gɔn -dhe
 -kɔ 'ö gun kwa -gɔ -a 'zü bho -yi 'ka bha, -ya kwa -kɔ 'kun kö -yö 'to- 'ka
 "dhü -yö zun- 'ka -a "dhiütöyi -bha, kö Klisi "tayɔɔ -nu -mü kwa 'ka.
- 15 Wɔn 'ö- -wɔn 'gü, 'yö Atanna -wu -ya pö -dhe:
 «Ka- -wu ma -dɛɛ 'ö -dɛɛ 'ka- 'gü, 'ka "wɪ- -bha,
 'ka 'dho ka "tv ta- -gɔ
 -dhe -kɔ 'ö ka "bhema -nu -wo -kɛgbaandhe -kë 'ka
 yi 'bha 'ka -a 'dhö» bha 'yö bha.
- 16 -A -gen -mü -dhe de "wɛɛ 'bha -në kë Atanna -wu ma 'yö -ya -gɔ -kɔɔ
 'gü kö 'yii kë me "pepe 'ö Moizö -yö zian bho- -nu 'ka 'ö go- -nu 'ka Ezitö
 -sɛ 'gü bha wo -zë -a -nu 'ka? 17 "ɛɛn de "wɛɛ 'bha -në 'wɔn -yö -siö Atanna
 -dhe -a -nu "piü -kwe -kaɔng -yiisiö 'ka kö 'yii kë 'me 'wo -da "dhiü 'ö 'wo
 ga "tung -ta bha wo -zë -a -nu 'ka? 18 "ɛɛn de 'bha -në Atanna -yö -sö -bhö
 -nu -dhe 'ö- pö:

«Wii 'dho -da -ya -du 'flëë- 'gü -dhe
 'ö n -yëa -bhaa bha- 'gü tongtongdhö.»

kö 'yii kë 'më 'kö 'wo -ya -gɔ -kɔɔ 'gü bha- -nu 'ka? ¹⁹"Këë 'sa kwa 'yan -ya -dhe 'gü -dhe 'wii -da -dhe 'ö Atanna -ya -dhiang zë "dhü bha- 'gü tɛan- 'ka 'dhang 'wii- bho- "dhiü bha -në- -wɔn 'gü.

4 ¹-A -kë "dhü -sü bha- 'gü, -dhe 'ö -kë -dhe "plüün 'ö Atanna -ya bho kwa -dhe 'ö -gban -ya -du 'flëë- 'gü -dhe 'ö- "piü bha- -bha bha- "tüng 'yii ziö -kö bha, -ka -kwaa kë -së kö më 'bha 'ya 'dho -slɔɔ ka kpö 'gü 'ö to -taama, 'ö -fië 'wɔn bha- 'gü. ²-A -gen -mü -dhe -kɔ do 'wo =naɔ -së bha- dɔ- 'ka -a -nu -gɔ yi 'bha 'ka bha -në 'wo- dɔ sië- 'ka kwa -gɔ 'pö =dɛɛ, -wu bha- -zun "dhiü -bhlɔɔ 'ö 'yii kë 'më -a -nu 'gü -yö =see bha- -nu -gɔ bha- 'klɔɔ- -mü -dhe 'wii kë 'dhang =në- bho- "dhiü kö -wo wo -zu 'gɔn Atanna -dhe. ³"Këë më 'kö kwa -zë 'kwa 'dhang bho -sü 'ka -wu bha- "dhiü bha, kwa -dho -da -dhe 'ö Atanna -ya -dhiang zë 'ö- pö:

«Bhlɔɔ =ya 'ma n 'gü,
 'ma -sö -bhö -dhe 'wii 'dho -da -ya -du 'flëë- 'gü
 -dhe 'ö n -yëa -bhaa bha- 'gü tongtongdhö» bha- 'gü.

-A -gen -mü -dhe "tüng 'ö- pö sië- 'ka "dhü bha kö 'ö pë "pɛpɛ kö- -da, kö =yaa- =gban kë 'nu yi 'bha 'ka =waa- -yëa -nu bha- =gban 'dhö. ('Më 'wo bha -da 'ö 'wii- wo mü bha -yö kë -to wo =në- -nu -bha, -a 'dhe 'bha 'yii 'to Atanna -zë -bha.) ⁴-A pö 'a- wo "dhü bha- 'klɔɔ- -mü -dhe 'wɔn 'ö -gban "kpungtaadhe waa- -tapë -nu -pë kë -sü -bha bha, -a -dhekpɔɔyi "saɔplɛ -naa bha Atanna -ya -dhiang zë -dhe 'bha 'gü 'ö- pö:

«=Dhe 'ö =ya kë "dhü, 'yö Atanna -yö 'ö "tɛɛ pa
 -a -dhekpɔɔyi "saɔplɛ -naa bha- 'ka,
 kö =ya 'ö bo yë "pɛpɛ bha- =gban kë -sü 'ka.»

⁵'Sa 'wɔn do 'ö -gban -a pö 'ö Atanna -ya wo -dhe:

«'Wii 'dho -da -ya -du 'flëë- 'gü -sü
 'ö n -yëa -bhaa bha- 'gü -sü -bha» bha

⁶më -blɛɛsü -nu 'wo naɔ -së bha- ma bha, -da 'ö 'wii- wo -dhe bha- 'gü bha- 'klɔɔ- -mü -dhe 'wii 'dhang =në- bho- "dhiü, "këë dɔ 'kwa- wo =dɛɛ, më- -tun =mɔɔ -bha 'ö -da mü.

⁷'Wɔn 'ö- -wɔn 'gü, 'yö Atanna -yö =dɛɛ -dɛɛ 'bha -ya bha 'yö bha. -Yö -bɔ Davi -në- -ta 'yö yö -zë pö =taama kö- yi 'në 'bha =ya =gwëë, 'yö- pö:

«=Ya kë -dhe 'ka Atanna -wu ma =dɛɛ,
 -ka 'dhang bho- "dhiü, 'ka 'dho ka "tu ta- -gɔ.»

⁸-A pö 'a- wo "dhü bha- 'klɔɔ- -mü -dhe =ya kë -dhe Zozue 'ö kë dɔ Moizö "piü -zun Izraëdhö -më -nu -dhe "dhiü -sü 'gü bha -yö -da 'nu 'më 'wo bha- -nu 'ka -dhe 'ö Atanna -ya pö bha- 'gü, kö 'yii 'dho -ya mü 'zü 'ö =dɛɛ 'bha kpö. ⁹-A -kë "dhü -sü bha- 'gü, kö -ya 'flëë- 'gü -sü 'ö =dhe -a 'dhe 'ö Atanna -ya wo -dhekpɔɔyi "saɔplɛ -naa 'ka bha- 'dhö bha, -yö -tun 'më 'wo 'dhang bho- -wu "dhiü -a -nu -bha 'ka =dɛɛ. ¹⁰-A -gen -mü -dhe 'më 'ö -da -ya

flëë- 'gü -dhe 'ö Atanna "piü bha- 'gü, kö yë 'ö- -me -ya kë bha 'yö dho- 'gü "tæpadhe 'gü 'pö -dhe -kɔ 'ö Atanna -ya -kë 'ka -a 'dhö. ¹¹-A -kë "dhü -sü bha- 'gü, -ka -kwa kwa 'gü dɔ 'gbu- kö 'kwa -da -dhe bha- 'gü. -Ka -kwa kë -së kö me 'bha 'ya 'dho gɔɔgbudhe kë 'zü kwa kpö 'gü -dhe 'me 'wo gun yi 'bha 'ka bha- -nu 'dhö, 'ö- -me -yö ö -dɪ -fië -yëa bha- 'gü.

¹²-A -gen -mü -dhe Atanna -wu bha pë "yaandhe -mü, 'sɪ -ya -dhe, -a -bha "dhiüdhe -zian -zë -yö -ziö -siangga 'ö- "dhiü -zian 'dhö -plë -a -ta. -Ya "yë me -bha -yö -dho 'ö zun me zuëpiüwɔn waa- me 'nii- -bha -wɔn -nu -bha, 'ö- -nu bho 'koo -dhe -kɔ 'ö -dhaa -yö wü -nëng bho- 'ka wü ga -bha 'ö zun- 'ka -a ga 'gü 'yɔn -bha bha- 'dhö. Yö -në kwa -zɔ -gɔn 'ka -wɔn bha- -së waa- yaa -a -nu -bho 'koo dɔ. ¹³Pë "pepe 'kö Atanna -ya -da, -a 'bha 'kö yöö kë -bin 'gü -a wëëdhö 'yaa 'dhö. Yö 'ö kwa "kplëng bho -dhe -më 'ka bha pë 'bha -pë 'bha 'yaa -bin -a -gɔ, -a -gban "pepe -yö zang -ta klangklanghö.

¹⁴-A -kë "dhü -sü bha- 'gü, -dhe 'ö -kë -dhe "saabhome 'kpiki -kpiki 'ö kwaa Atanna -nu kwa -wu zun 'kwëë-, 'ö -ya ziö dhang- -nu -gban 'gü -ya -wo Atanna -kuu "dhiü, Yesu 'ö Atanna Gbö 'ka, 'ö 'kwa 'dhang bho- "dhiü 'ö 'kwa- -dhiang zë sië bha -yö kwa -gɔ bha, -ka -kwa kwa 'gü dɔ 'gbu- kö 'kwa 'to -kplü -sü 'ka 'dhang -bho -a "dhiü -sü 'kwa- -dhiang zë sië bha- -bha. ¹⁵-A pö 'a- wo "dhü bha- 'klɔɔ- -mü -dhe yö 'ö kwa -bha "saabhome 'kpüi- 'ka "dhü bha -yö kwa -dɔ, -ya 'wɔn -dɔ -dhe- 'sɪ 'yaa kwa -dhe kö 'kwa 'dho 'wɔn yaa kë tongtongdhö. -A -gen -mü -dhe -yö kë -tosea -kë 'pö kwi do ya- 'gü -dhe -kɔ do 'kwa- kë sië- 'ka ya- 'dhö. 'Ö Sɔtraan -ya 'gü dan 'pö -dhe -kɔ do 'ö kwa 'gü dan sië- 'ka bha- 'dhö. "Këë 'yö yö -zë 'yii 'wɔn yaa kë tongtongdhö. -A -wɔn 'gü, -ya kë -dhe faan 'yii kë kwa 'gü, -yö -mɔɔ -bha 'ö kwa -ta 'kun Atanna wëëdhö. ¹⁶-A -kë "dhü -sü bha- 'gü, "sika 'bha -zian 'ya 'dho kë kwa 'gü, -ka -kwa -yɔɔn Atanna -bha -gblüädhe -gbloo 'ö -gasite -kë kwa -dhe -dhe 'ka bha- "sɔɔ, -yö -dho kwa -wëë -ga, 'ö kwa -mawɔn to, 'ö kwa -ta kun- 'kun "tüng 'gü.

5 ¹-A -gen -mü -dhe me "pepe 'kö Atanna -ya -ya "saabhome 'kpüi- 'ka ö -gɔ 'kɔɔdhö bha -ya -ya "dhü kö -yö me -nu -wu "dhiü -në- -loo ö -bha, "ëen kö -ya -nu -bha "saa- -në- bho. ²"Këë 'sɪ 'yaa kë 'ö- wo 'me 'ö "dhü bha- -dhe 'pö -dhe me -kpëa -gban 'dhö bha -në- -wɔn 'gü, 'yö -mɔɔ- -bha 'yö 'wɔn 'ö -gban 'me 'waa 'wɔn 'bha dɔ, "ëen 'ö -wa -da Atanna "dhiü -a -nu -wɔn -bha bha- 'gü ma ö 'klɔɔ- 'ka, 'yö- -nu -wëë -ga. ³'Yö -ya mü 'zü 'yö ö -dɪ -bha 'wɔn yaa -nu -bha 'saa- bho 'pö -dhe me -kpëa 'dhö. ⁴-A -wɔn 'gü, me 'bha 'yaa -mɔɔ- -bha kö -yö ö -dɪ -ya "saabhome 'kpüi- 'ka kö Atanna -zë 'yii- -më -ya -dhe -kɔ 'ö Aadhɔn -ya 'ka yi 'bha 'ka -a 'dhö.

⁵-A -kë "dhü -sü bha- 'gü, Klisi -dɪ 'pö 'yii ö -dɪ -ya. Atanna -në- -ya -dhe -kɔ 'ö Aadhɔn -ya 'ka -a 'dhö, -a -gen -mü -dhe -ya -pö ö -wu 'gü -dhe:

«N Gbö -mü i 'ka, 'ma kë i Dë 'ka -dëë.»

'Yö -ya mü 'zü 'ö- pö -dhe 'bha 'gü -dhe:

6 «I -ya 'a- wo "saabhome 'ka bha,
i -dho 'to- 'ka "dhü

'ö- 'wɔn- yɛn -dhe Mæsisedekö -bha 'dhö.»

7 Yesu bha =në 'ö gun kö -yö -tun "kpung ya- =taa, 'yö ö -wu "dhiü =wliü 'ö =bhea "gbu waa- 'yanyi 'ka, -gbe "ʊv kɛ -sü 'ka Atanna 'ö =mɔɔ- -bha 'ö- dha ga -gɔ bha- -dhe, 'yö Atanna -yö ö 'tu 'to 'pö- -wu -bha -dhio 'ö- ma- -wu -ta bha- -wɔn 'gü. 8 -A -bha -kɛ Atanna Gbö 'ka -sü -gban waa- -bha -bha, -yö kɛ -wɪ -bha kö 'ö sɛɛ suu -gban "pɛpɛ 'do 'do bho. Kɛ "dhü kö 'ö -gɔ -dho Atanna -dhe "sia- -sü draan-. 9 =Dhe 'ö =ya bo saan" bha- wo -sü 'ka "dhü, 'ö Atanna =yaa- 'wɔn dɔ =dhe 'wɔn 'ö- -kɛ bha- du 'bhaa- -bha 'zü, 'yö- sü 'ö- -ya -tosea 'ö 'yaa yɛn -a -nu 'mɛ 'wo wo -gɔ dho- -dhe "sia- -a -nu -dhe -mɛ 'ka, 10 'yö- sü 'ö- -ya "saabhome 'kpɪi- 'ka =dhe Mæsisedekö 'dhö.

-Kan Atanna -bha zian -bha -sü -dhio'wo- dɔ Eblö -nu -ta

11 'Wɔn 'gbe =dede -pö ka -dhe -wɔn -yö yi -bha 'wɔn 'ö -gban Yesu Klisi -bha -kɛ kwa -bha "saabhome 'kpɪi- 'ka -sü -bha -dhe -kɔ bha- 'dhö bha- 'gü, "kɛɛ -a -ta -pɪ ka -dhe -kɔ 'bha -yö 'mɛ kö ka 'wɔn 'gü ma -dhe -yö 'ya. 12 -A pö 'a- wo "dhü bha- 'klɔɔ- -mü -dhe kö dɔ 'kwa- wo 'nu =dɛɛ ya, ka -zɛ 'ka kɛ mɛ -nu -draan Atanna -wu -bha -mɛ =nɛ- 'ka. -A -gen -mü -dhe ka -da -bha zian -ta -yi 'yaa =dɛɛ, "kɛɛ 'yaa "dhü. Pɛ 'nɛ -nu 'wo -gban Atanna -wu -bha 'ö 'wo 'mɛ =wa -da -a -bha zian -ta -dɛɛ 'gü, -a -nu -draan- -bha bha =nɛ ka bha -wɔn 'dhö -tun -bha 'zü kö -wo ka draan- -bha -dhe -kɔ 'wo 'yɔn nu- 'ka 'nɛ -dɛɛ -nu -dhe bha- 'dhö. 'Kaa -dho "dhiü -wɔn -zɛ -bha kö 'ka -bhöpɛ "gblüügbliü -bhö. 13 'Sa -da Atanna -bha zian -ta -sü zü -bho -ta -wɔn -nu 'wo =dhe 'yɔn 'ö mɛ -ya nu 'nɛ -dɛɛ -dhe kö -yö 'gla -a 'dhö bha 'mɛ 'kö- -bha -wɔn 'dhö -tun -bha, kö -yö -tun 'nɛ =nɛ- 'ka Atanna -bha zian -ta bha, kö 'yii kɛ -kö pɛ 'dhe 'ö 'mɛ =wa kɛ mɛ "gblüügbliü 'ka -a -bha zian -ta 'wo- -bhö bha- -bhö -mɛ 'ka, kö 'yii kɛ -kö 'mɛ 'ö 'wɔn -sɛ waa- 'wɔn yaa -a -nu -bhokoo dɔ -a 'ka, 14 -a -gen -mü -dhe -bhöpɛ 'dhe 'kö bha -yö 'mɛ =wa -kian -a -bha "ta bha- 'sü -sü 'gü, 'ö- -nu zuɛ" =ya 'wɔn -sɛ waa- 'wɔn yaa -nu -bho 'ko "piü -sü -yaki dɔ bha =nɛ- -nu -bha 'ka.

6 1 -A -kɛ "dhü -sü bha- 'gü, -ka -kwa -dho "dhiü -zian =nɛ- mɔɔ- kö 'kwa Atanna -wu 'dhe 'ö 'wɔn zü -bho -ta -wɔn -nu 'ka bha yö -zɛ -zuö kwa =taama, kö- 'dhe 'ö mɛ "gblüügbliü -nu -bhöpɛ 'ka bha 'kwa yö =nɛ- -bhö. -A -gen -mü -dhe Atanna -wɔn zü -bho -ta -wɔn -nu 'wo =dhe -kɔ "kpan -ya -sü 'dhö, 'ö -kɛ =dhe -kwa "wlaawɔn -nu kɛ -sü -zü -sü kö 'i 'dhang bho Atanna "dhiü -a 'dhö oo, 2 "ɛɛn mɛ "zu -sü -nu waa- mɛ "zu 'klɔɔ- -nu 'kö 'wo bha oo, -kɔ -ya mɛ =gbin- -sü (kö -wa -mɛ "dhiü bhea" wo Atanna -dhe) -sü -nu bha oo, 'mɛ =wa ga 'nu -a -nu -bö -wɔn -nu bha oo, "ɛɛn Atanna -bha 'wɔn 'ö dho- bho mɛ 'gü -dhe 'bha -kpaɔyi -bha 'ö- "dhiütodhe 'yii 'dho kɛ bha- -dhiang -nu bha 'kwii 'dho 'to yö -zɛ pö -sü -bha -kpeawo. -A -gen

-mü -dhe 'ka yö -zë -gban ma 'nu. ³-Ka -dho "dhiü -zian -në- mɔɔ-. Pë 'dhe 'kö kwa -mawɔn 'dhö- -bha kö 'kwa- kë 'ni kö Atanna -zë -ya 'wu- -bha yö -mü -dho "dhiü -sü bha -në- 'ka.

4-A -gen -mü -dhe me "bu me 'ö Atanna -ya bo 'wɔn -bho 'koo dɔ -sü nu -sü 'ka- -dhe 'ö -ya bo- dɔ -sü 'ka, 'ö -bhɔdhe 'ö go- "piü dhang- 'gü bha -blɛsü -ya bhɔ- -me -dhe, 'ö- -bha 'Nii- "slüüslü bha -ya -yaa 'kun 'nu- -me 'gü, ⁵'ö -yaa- 'wɔn dɔ -dhe Atanna -wu bha pë "nɛnɛɛ -mü, 'ö 'wɔn "mlümlü -sü -nu 'ö Atanna dho- kë -dhekpaɔ dhia" 'gü bha -yaa- din -blɛsü -ga, ⁶"kɛɛ 'ö -ya -ya mü 'zü -ya "kan Atanna -bha bha kö -dhio -dɔ -me -ta "slë "wɛɛwɛɛ 'bha kö yöö kë -taamasü 'gü kö -yö 'go 'zü -deewo ö -sɔng bha- 'gü kö -yö -da Atanna -bha zian -ta 'yaa 'dhö 'zü. -A -gen -mü -dhe -ya kë "dhü kö -ya Atanna Gbö bha- dɔ -ple -naa -në wo "dhü -bha kö -wo "si bho- -gɔ -dhe -kɔ 'wo- -kë 'ka yi 'bha 'ka -a 'dhö bha.

7-A pö 'a- wo "dhü bha- 'klɔɔ- -mü -dhe -bɔ Yesu 'ka -sü bha -yö -dhe pë ta 'kwa- wo sië bha -në- 'dhö. =Wa pë ta kö dha -yö ban- -bha -wɛɛndhö kö 'pë 'wo- ta bha -yö dhi- -me -nu -gɔ, kö =waa- 'wɔn dɔ -dhe "sɛ bha "sɛ -së 'ö Atanna -bha 'dhuë- 'dhö- "piü yö -mü. ⁸"Kɛɛ -ya kë -dhe "glɛɛn -kpɔɔ -nu waa- blëë yaya -nu -në -wa bhɔ -dhe bha- 'gü bha -oo, kö "sɛ -së -në bha "wɛ -ee? Kö "dhang -da -bha -wɔn -në -ya 'to kö -wa "gü.

⁹"Kɛɛ 'kö 'zü maa- zë "dhü -kɔ "bu -kɔ 'ö- 'gü, n "taɔngdë -nu, n 'dhang bho -sü -yö ka -zë ka "dhiü 'kpakpadhö, a- 'wɔn -dɔ -dhe zian -së 'ö dha -zian 'ka bha -në 'ka- -ta. ¹⁰Atanna bha pö 'aa- -bha. -A -wɔn 'gü, -a -zu 'yii 'dho bhɔ 'wɔn -së -nu 'ka- -kë -a -dho -bha, -a -bha me -nu -dhe, 'ö 'ka- zü bho "dhü 'yi bha- 'ka 'ka -tun 'ka "dhü -dɛɛ bha- 'bha 'ka. ¹¹"Kɛɛ 'wɔn 'ö- -wɔn 'gü 'yö 'a- pö "dhü bha, kë "dhü kö -a -wɔn -pɛng 'ö ka -ta bha -në 'ka- 'kun 'gbu- kö 'ka- -gɔ -da 'plöö. Kë "dhü kö -a 'dhe 'ö ka -zu 'dhö- 'gü bha -yö kë ka -dhe "dhiü -mɔɔ -sü 'ka. ¹²Yaa n "piü -në- wo -dhe "fia -yö -da ka ga 'gü Atanna -bha zian bha- -ta, "kɛɛ kö 'ka 'me 'ö- -nu 'gü 'yaa ga -zu -yö -a -dhe -sü bha- 'ka, 'ö to- 'ka "dhü 'ö zun- 'ka 'wɔn 'ö- "plüün bho- -nu -dhe bha- 'gü -wɔn kë -yi -bha bha -në- -nu -ga.

¹³"Plüün 'ö Atanna -ya bho Ablaamö -dhe yi 'bha 'ka bha, -yö kë- 'gü -sö -bhö, "kɛɛ -dhe 'ö -kë -dhe me 'bha kö yöö kë 'kpii- kö -yö ziö yöö Atanna -me 'ö -ta kö 'ö -sö -bhö 'tɔ 'gü 'yaa 'dhö bha, 'yö- -bhö 'ö -dɔ 'tɔ 'gü 'ö- pö:

14 «Mang Atanna -me ma -në 'a- pö,

a -dho 'dhuë- kë i -bha,

'ö i bhang -nu 'wo -kë 'gbɛ -dedewo.»

15=Dhe 'ö -ya "plüün bha- bho "dhü Ablaamö -dhe, -yö kë 'ö zuë" -kë -sea 'ö 'ö "yan to- 'gü -wɔn kë -sü -gɔ, 'ö to- 'ka "dhü 'ö zun- 'ka yi 'ö Atanna -ya 'gü -wɔn -kë 'ka bha- -bha. ¹⁶-Sö -nu 'ö me "bhu- -nu -wa -bhö -sië bha, -wa -bhö "dhü kö -wo 'dhang -në bho wo "dhiü, kö zaɔdhe 'ö 'wɔn 'bha 'ö mü- 'gü bha -yö yën, 'sa -a -bhö 'wo- wo "dhü bha, -wa -bhö 'me 'ö 'kpii- 'ö -ziö -a -nu -ta -në- 'tɔ 'gü. ¹⁷-A -kë "dhü -sü bha- 'gü, -sö 'ö Atanna -ya

-bhö 'pö "plüün 'ö- bho 'me 'ö 'wɔn -së 'ö- -dhiang zë bha 'ö dho- kë- nu -dhe bha- -wɔn 'gü bha -ya -kë "dhü kö -wa 'wɔn -në- dɔ -dhe ö -wu bha 'yii 'dho 'go "gbluu tongtongdhö. ¹⁸'Sa -ya kë "dhü kö 'wɔn -plë -në Atanna 'yaa -mɔɔ- -bha kö -yö -sua kë- -wɔn 'gü, "ɛɛn kö- -wɔn -yö bho "gbluu tongtongdhö bha. Yö -mü "plüün 'ö- bho bha waa- -sö 'ö- -bhö bha -në- 'ka. -A -kë "dhü -sü bha- 'gü, 'me 'ö kwa -zë 'kwa Atanna 'sü kwa zü -gban 'gü 'ka bha, -a -dhe a -bha -dhe 'kwa kwa faan -në- dɔ kö 'kwa 'to -kplü -sü 'ka 'pë 'ö- "plüün bho kwa -dhe 'ö kwa -zu 'dhö- 'gü bha- -bha. ¹⁹'Sa "plüün 'ö- bho kwa -dhe "dhü bha -në kwa -gɔ -dhe -piö kpö 'ö -kë "yitagɔ -bha 'ö -waa- -zuö "yi -wLöö 'ö "tɛɛ 'yaa- 'sü bha- 'dhö, 'yö 'wɔn 'gbi- suu 'bha -bha 'bha 'yaa kwa bho- -bha zian -ta, -a -gen -mü -dhe "plüün do 'ö "dhü bha -në kwa 'dhang bho -sü 'dhö- "dhiü 'kpakpadhö -dhe -a 'gü -wɔn -dho kë. Yöö do bha 'zü -në- -kë 'yö Yesu -yö dho 'ö -da Atanna -dhökëgüko 'ö dhang- 'gü bha- 'gü, sɔ "pɛn -taama -dhe 'ö- -dhökëdhe =dede 'ka, 'ö "saabhomé 'kpii- doseng -në- -da -dhe 'ka, ²⁰'ö Yesu Klisi 'ö Atanna -ya -ya kwa -bha "saabhomé 'kpii- 'ka -todhü 'ka -dhe Mëesisedekö 'dhö bha -yaa- zian "dhi 'pu kwa -gɔ, 'ö -ya -da mü 'nu kwa -bha -da 'gü bha- 'gü.

Mëesisedekö bha- -dhiang 'wo- zë

7 ¹-A Mëesisedekö 'ö "dhü bha -yö -gun Atanna "yaandhe 'ö dhang- 'gü bha -në- -bha "saabhomé 'ka, 'yö gun -gblüde 'ka 'pödhë 'wo- Sadjemö -dhe -kë bha- 'gü. =Dhe 'ö Ablaamö gun 'go sië -gblü 'ö- -gɔɔn yi 'bha 'ka -gblüde -nu 'ka, 'ö- -kɔ -yö -ziö -nu -gɔ bha- gɔɔndhe 'gü, 'yö Mëesisedekö bha 'ö nu- -gɔ zian-, 'yö 'dhuë- -kë -bha. ²-Dhe 'ö -ya kë "dhü 'yö Ablaamö -yö pë "pepe 'ö gun- -gɔ -dhe -naɔ 'dhö bha- -pe 'gü -kaɔng do, 'yö- -kaɔng do -naa nu- -dhe -dhe ö -slɔɔpë bha- 'nii- 'dhö. -A Mëesisedekö -tɔ bha waa- pö "dhü kö -wa -pö «-gblüde 'ö pö 'aa- këwɔn -bha», 'yö 'pö- 'ö gun- 'gü -gblüde 'ka bha- 'tɔ 'wo- Sadjemö -kë bha, -waa- pö "dhü kö -wa -pö: «-ya -dɪ 'flëë- 'gü -sü». ³Më 'bha 'yii- Mëesisedekö bha- dë dɔ, me 'bha 'yii- dhe dɔ kö yöö to- "bhema -nu -në- bha. Më 'bha 'yii- bho -yi dɔ, me 'bha 'yii- ga -yi dɔ. -Yö -dhe Atanna -bha 'në -në- 'dhö. -A -bha -kë "saabhomé 'kpii- 'ka -sü zü bho -yi 'yaa 'dhö, -a "dhiü -ya -dhe 'yaa 'dhö.

⁴Kaa -dede -ka Mëesisedekö bha- -bhlëë -kë 'kpii- -kɔ -ga bha. 'Më 'ö kwa 'ziü- Ablaamö -zë 'ö 'pë 'ö -yö -gblü "piü -a 'nii- bho sië- -dhe bha -yö ka 'gü -dhe kö me 'dede -në bha -ee? ⁵Dhevi bhang -nu 'ö Atanna -ya -nu -ya Izraedhö -me -nu -bha "saabhomé 'ka ö -dhe bha, -yö -ben zë -sü 'ka- -bha 'tɔng- -nu 'gü -dhe Izraedhö -me -nu -gban "pepe -wo wo -slɔɔpë -nu 'nii- bho wo -në- -nu -dhe. 'Sa -ya kë "dhü kö -wa bho sië wo dheebhang -nu 'ö weng- -nu 'wo Ablaamö suu 'gü -në -nu 'ka bha -në- -nu -dhe "dhü bha. ⁶"Kë Mëesisedekö 'kö Ablaamö -yö ö -slɔɔ -pë -nu 'nii- bho- -dhe 'ö 'dhuë- -kë -bha "dhü bha weng- -nu -a -nu suu -zian 'yaa gun do. 'Sa 'ö gun "dhü kö Atanna -ya "plüün -së bha- bho 'nu Ablaamö -zë -dhe. ⁷"Kë

'sa ka- 'wɔn -dɔ 'kpakpadhö -dhe 'mɛ 'kõ- -due 'yaa 'kpii- 'mɛ 'õ- -gɔ, 'yaa -mɔɔ- -bha kõ -yõ 'dhuë- kɛ- -mɛ -bha. ⁸-Ya kɛ -dhe kõ 'kwa kwa 'yan kpɔ 'wɔn bha- 'piü -sɛ =dede 'ka, Dhevi suu 'gü -nɛ -nu 'wo 'saabhome -nu 'ka -dɛɛ Izraædhö -sɛ 'gü, 'õ Izraædhö -mɛ -nu 'wo wo =slɔɔpɛ -nu 'nii- bho sië- -nu -dhe bha -wo -ga. "Kɛɛ Ablaamö -bha -zɛ 'õ- bho 'mɛ 'õ- -dhe bha -yõ -ben zɛ -sü 'ka -a -bu 'gü Atanna -wɔ 'gü -dhe yõ -zɛ 'yaa ga. ⁹-Ya kɛ "dhü kõ Dhevi 'õ- 'gü -nɛ -nu 'wo pɛ 'nii- 'kun sië -dɛɛ Izraædhö -mɛ -nu -gɔ bha -yõ kɛ ɔ =slɔɔpɛ -nu 'nii- -bho 'pö Mɛɛsisedekö -dhe yi 'õ nu- 'ka Ablaamö -gɔ zian- yi 'bha 'ka 'õ ɔ =slɔɔpɛ -nu 'nii- bho- 'ka- -dhe bha- 'ka =naa bha. ¹⁰-A pö 'a- wo "dhü bha- 'klɔɔ- -mü =dhe 'kõ 'zü Ablaamö =yaa- bho kõ Dhevi 'yii bho =kõ, "kɛɛ 'õ gun "dhü kõ -yõ Ablaamö 'gü. =Ya kɛ "dhü kõ -ya -bho -a -nu =gban =nɛ- -bha bho 'gü bha.

¹¹'Sa Atanna -bha 'tɔng- -nu 'õ- dɔ Izraædhö -mɛ -nu -dhe bha- zü -yõ -bho Dhevi waa- ɔ bhang -nu -a -nu -ya 'õ- wo "saabhome 'ka ɔ -gɔ 'kɔɔ dho bha =nɛ- -ta. -A -kɛ "dhü -sü bha- 'gü, =ya kɛ 'nu =dhe Dhevi waa- ɔ gbö Aadhɔn -nu -a -nu -bha "saa- bho -sü 'õ Atanna -gɔ 'kɔɔdhö bha -yõ mɛbhudhe -kɛ -dhe -kɔ 'õ Atanna "piü =dhe -yõ kɛ- 'ka -a 'dhö 'nu, kõ pö 'a 'dho kɛ- -bha, kõ "saabhome -dee 'õ (Klisi) 'ka 'õ -dhe Mɛɛsisedekö 'dhö bha- nu -wɔn 'yii 'dho kɛ. "Kɛɛ yõ =nɛ 'yii kɛ "dhü 'yõ "saabhome -dee -wɔn 'dhö -da. ¹²'Sa "saabhome -dee 'bha -zɛ =ya nu 'pö, -kaa pö kõ 'tɔng- -nu 'wo 'wɔn bha- 'gü bha woo slɛë- =naa bha. ¹³-A -kɛ "dhü -sü bha- 'gü, kwa Dɛmɛ 'wo- zaɔn -zɔn Mɛɛsisedekö 'ka "dhü bha -yõ -gun 'kɔdhi "wɛɛ 'bha 'õ 'gü -nɛ do -zian 'yii "saa- -blɛɛsü bho 'nu -kõ -gwɛ "klɔ 'wo "saa- bho- -ta Atanna -gɔ 'kɔɔdhö bha- -ta do =nɛ- 'ka. ¹⁴-A pö 'a- wo "dhü bha- 'klɔɔ- -mü -dhe mɛ =gban -mɛ =gban -wa 'wɔn dɔ -dhe -yõ -bho Zuda suu =nɛ- 'gü. 'Sa 'mɛ 'kõ 'wo bha -dhe 'bha 'kõ mɛ yõö- yõ 'sɛëdhe 'õ Moizö -ya -ben zɛ bha- 'gü -dhe -wo -gun "saabhome 'ka 'yaa 'dhö.

¹⁵'Wɔn 'õ dho 'wɔn bha- -ta "pɔ kwa -dhe 'zü 'kpakpadhö 'õ 'kwa- 'gü ma 'yõ -mü "saabhome -dee 'bha 'õ -dhe Mɛɛsisedekö 'dhö -a -ya -sü bha =nɛ- 'ka. ¹⁶-A -bha -ya -sü bha 'yii kɛ mɛ "bhu- -nu 'wo ga bha- -nu -bha 'tɔng- faan 'ka, -yõ -kɛ "saabhome 'kpii- 'ka "dhü 'gügudhe 'õ -sii 'õ 'yaa yɛn 'õ gun- 'gü bha- 'gü bha =nɛ- 'saa- 'gü. ¹⁷-A pö 'a- wo "dhü bha- 'klɔɔ- -mü =dhe Atanna -wɔ -ya -pö -a -bu 'gü 'õ- pö =dhe:

«I -dho kɛ "saabhome 'ka "sɛ 'tuü- 'ka
=dhe Mɛɛsisedekö 'dhö.»

¹⁸-Ya kɛ "dhü kõ 'tɔng- -blɛɛsü 'õ -gban "saabhome -nu -bha 'õ gun bha -yõ -bho -bha 'sɪ 'õ 'yii kɛ- -dhe, 'õ- -zun "dhiü -bhlɔɔ 'yii kɛ bha =nɛ- -wɔn 'gü. ¹⁹-A -gen -mü =dhe Moizö -bha 'tɔng- -nu bha 'wii ka Atanna dhɔɔbhaa kɛ -sü bha- -gɔ -da 'plöö. "Kɛɛ -zɔgɔndhɛwɔn -dee 'bha 'õ- fië- 'dhö 'dhö Moizö -bha 'tɔng- -nu -bha bha =nɛ =ya zun kwa -dhe zang -ta -dɛɛ. Yö -mü Yesu Klisi =nɛ- 'ka. -Gasite yõ =nɛ- -bha 'yõ 'kwa =yɔɔn sië Atanna "sɔɔ, kwa -zɔ -ya yõ =nɛ- 'gü.

²⁰-Ya 'go mü 'zü, -sö 'ö Atanna -ya -bhö bha -yö mü. -A pö 'a- wo "dhü bha- 'klɔɔ- -mü -dhe me -kpea -nu -bha -zë me 'bha 'yii -sö -bhö -a -nu -ya -sü 'gü. ²¹"Kee Yesu -zë -ya "saabhomé 'ka -sü -zë Atanna -yö -sö -bhö 'ö- pö- -dhe:

«Mang Atanna -me ma -në 'a -sö -bhö bha,
'mii 'dho 'go n -wu -ta tongtongdhö.

A- -pö -dhe i -dho 'to "saabhomé 'ka "dhü "se 'tuü- 'ka.»

²²-Sö 'ö Atanna -ya -bhö "dhü bha- -wɔn 'gü, Yesu bha -në -mlëe -bhlëesü 'dhe 'ö -da Atanna waa- me "bhu- -nu -a -nu -zinng 'gü bha 'ö -slɔɔ- 'saa- 'gü.

²³'Ö go mü 'zü, "saabhomé -nu bha- me -blëesü -nu bha, gun 'wo- wo 'gbɛ bha- 'klɔɔ- -mü -dhe wo -zë -wo -gun ga sië, 'ö- -wɔn 'gü 'waa -mɔɔ- -bha kö -wo 'dho woo- "saa- bho -yë bha- 'ka "dhiü -kpeawo. ²⁴"Kee Yesu Klisi -bha -zë 'yaa "dhü. Yö -zë 'yaa ga, -a -wɔn 'gü -a -bha -kë "saabhomé 'ka -sü bha 'waa -mɔɔ- -bha kö -wo me -dee dɔ- 'gblɔɔ 'gü. ²⁵'Wɔn 'ö- -wɔn 'gü, 'yö me "bu me 'ö =yɔɔn Atanna "sɔɔ -a 'saa- 'gü 'ö =mɔɔ- -bha 'ö- -nu dha "pɛpɛdhö, 'ö- -bha -a -nu dha -sü "dhiütodhe 'yaa 'dhö bha 'yö bha. -A -gen -mü -dhe -yö "yaan 'töng =gban 'gü, -yö -bhea Atanna -dhe -a -nu -wɔn 'gü -kpeawo.

²⁶-A -kë "dhü -sü bha- 'gü, kö Yesu =në "saabhomé 'kpïi- 'ö kwa -mawɔn -yö gun- -bha, 'ö "slüüslü, 'ö pö 'aa- -bha, 'ö 'yii 'wɔn yaa kë tongtongdhö, 'ö Atanna -ya -kan 'wɔnyaakëme -nu -bha, 'ö- sü 'ö- -ya -dhe -bhlëesü 'ö dhang- -ta "dhüng 'gü bha- 'gü bha- 'ka. ²⁷-A -gen -mü -dhe yö -në 'yaa -dhe "saabhomé 'kpïi- -kpea 'wo to -a -nu 'dhö kö -wo wo -dɔ -bha 'wɔn yaa -në- -bha "saa- bho -kö -blëesü yi -gban 'ka kö -wo gun -na "següme -nu -bha bho. "Kee -a -bha -zë "saa- do 'ö- bho "dhü 'yi bha- 'ka ö -dɔ nu -sü 'ka bha -në to- -bha. ²⁸-A pö 'a- wo 'zü "dhü bha- 'klɔɔ- -mü -dhe me "pɛpɛ 'kö 'wo -kë "saabhomé 'kpïi- 'ka Moizö -bha 'tɔng- 'gblɔɔ "piü bha- 'bha këwɔn -nu 'wii Atanna -zu 'kun -së 'ka, "kee Yesu 'ö -kë Atanna Gbö 'ka, 'ö -sö -bhö -a -ya -sü 'gü kö =ya bo 'tɔng- -zë dɔ -sü 'ka 'nu bha -në pö 'aa- -bha -a wëëdhö. Yö -në dho 'to "slüüslü 'ka "dhü "se 'tuü- 'ka.

Yesu -bha -kë kwa -bha "saabhomé 'kpïi- 'ka -sü -dhiang 'wo- zë

8 ¹'Wɔn "pɛpɛ 'a- pö sië bha- -gɔ 'ö- 'gü yö -mü -dhe "saabhomé 'kpïi- 'ö- suu 'dhö "dhü bha -në kwa -gɔ. Yö -në -ya -sü 'ka -yɛa -bhlëesü 'ö Atanna 'ö- -bha 'gügbudhe -dhiang 'yaa zë bha- -kɔ -së 'gü -dhe 'ö- -bha -gblüdedhe -gblɔɔ "sɔɔ bha- 'gü dhang- 'gü. ²Yö -në "saabhomé 'kpïi- këwɔn -nu bha- kë sië Dëme -yɛa =dede 'ö- -dhökëgükö 'gü dhang- 'gü 'ö yöö =dede -në- -pë -kë, 'ö me "bhu- -kɔ 'yii -da -a -yë 'gü -dhe Dhevi bhang -nu -bha bha- 'dhö bha- 'gü.

³=Dhe -kɔ do 'ö "saabhomé 'kpïi- 'wo Atanna -gɔ 'kɔɔdhö "kpɔngtaadhe ya- 'gü, 'wo pë -nu 'wo nu- 'ka- -gɔ 'kɔɔdhö waa- "saapë -nu -në "dhiü -loo-

'ka -a 'dhö, -a -dhea -bha 'pö =dhe kwa -bha bha pë 'bha -yö =slɔɔ kö -ya
 "dhiü -loo 'pö Atanna -bha. ⁴Ya kë 'nu -dhe -yö -to "kpung =taa yö kö 'yii
 'dho dhang- 'gü, kö 'yii 'dho kë -zianwo 'nu 'saabhöme 'ka. -A -gen -mü
 =dhe kö me 'wo "kpung =taa yö 'ö Zuifö -nu -bha 'tong- -ya -nu -ya, 'ö 'wo
 yö do bha- kë sië bha -wo -dhö. ⁵'Sa -a 'dhe 'kö 'me 'wo "kpung =taa yö 'wo
 kë sië bha -ya 'dhe 'ö dhang- 'gü -a "bleen- =në- 'ka. -A -gen -mü =dhe -wa
 -kë -dhe -kɔ do 'wo- -kë 'ka dhang- 'gü =në- 'dhö =dhe -kɔ do 'ö Moizö -bha
 gun- 'ka -a 'dhö. -A pö 'a- wo "dhü bha- 'klɔɔ- -mü =dhe 'ö gun kö Moizö
 yöö Atanna zü -ya 'gü -kɔ 'ö gun sɔ 'kɔ 'ka Izraëdhö -me -nu kpö 'gü bha-
 dɔ, 'yö Atanna -ya pö- -dhe:

«Moizö, -bhö -a kë -së kö 'kɔ 'ö bhii- dɔ bha

-yö kë =dhe -kɔ 'a- -zɔn 'ka i -dhe -tɔn =gbin- bha =në- 'dhö "kpüidhö.»

⁶"Kee dɔ 'dhe 'kwa- wo =dɛɛ ya, -due bha- 'dhe 'ö Atanna -ya nu Yesu
 Klisi -zë -dhe bha -yö 'kpüi- 'ö -ziö 'me kö 'wo bha wo -zë -a -nu =gban -bha
 -ta. -A -gen -mü =dhe -mlɛɛ -dee 'dhe 'ö- -da kwa =zinng 'gü -a 'saa- 'gü
 bha- =bhlëë -yö 'kpüi-, 'yö -ya mü 'zü 'yö Atanna -yö "plüün -sengbɔ -nu 'wo
 -ziö Moizö -bha 'tong- -nu -ta bha- bho kwa -dhe.

⁷Ya kë 'nu -dhe -mlɛɛ -bleesü 'ö Atanna -ya -kë kwa 'ka 'ö bɔ- 'ka Moizö
 -bha 'tong- -nu -ta bha- du 'yii 'to- -bha, kö 'yii 'dho- -dee 'bha -da kwa
 =zinng 'gü 'nu -deewo. ⁸"Kee yö =në 'yii kë "dhü 'yö Atanna -yö dhiang zë 'ö
 -bha me -nu -dhe 'ö -gɔ 'sëëdhë 'gü 'ö- pö:

«A -dho -mlɛɛ -dee 'bha -da yaa Zuda -gɔ 'kɔɔme -nu

waa- Izraëdhö -me -nu -kpɛa 'wo to bha

yi -zinng 'gü "tüng 'bha 'gü, -a "tüng -yö nu sië.

⁹-Mlɛɛ 'dhe 'ö maa- kë- -nu 'ka bha

'yii 'dho kë =dhe -a 'dhe 'a- -kë -nu "bhema -nu 'ka yi 'bha 'ka,

'ö 'a- -nu bho =dhuëndhe 'gü Ezitö -se 'gü bha- 'dhö.

-A -gen -mü =dhe -mlɛɛ -bleesü 'ö gun yi -zinng 'gü bha,

'wii- 'gü -ta 'sü.

Yö =në- -wɔn 'gü 'yö mang -dɔ 'pö n "tu 'yii kë- -nu -wɔn -bha.

¹⁰"Kee a -dho -mlɛɛ -dee 'bha -da yaa Izraëdhö -me -nu yi -zinng 'gü.

=Ya kë =dhe "tüng 'dhe 'a "wɪ sië- 'ka bha =ya =loo,

a -dho ma 'tong- -nu bha- -nu -da -a -nu 'nii- 'gü,

'ö 'a- -ben zë- -nu zuë" -bha.

A -dho kë- -nu -bha Atanna 'ka,

'ö 'wo -kë 'pö n -bha 'ka.

¹¹-A "tüng bha =ya =loo, me 'bha 'yii 'dho- pö 'ö 'ö "tɛado =klang kë,

"ɛɛn me 'bha 'yii 'dho- pö 'ö dheebhang -dhe =dhe:

«-Bhö kwa Dëme dhɔɔbhaawɔn -nu draan- kö 'i kwa Dëme dɔ;

-A -gen -mü =dhe -a 'në 'sɛennë -nu oo, -a -me "gblügbü -nu oo,

-a -nu =gban -dho n dɔ.

¹²-Da -nu 'wo- wo n "dhiü bha, a -dho -a =gban -mawɔn 'to,

'ö n -zv -yö bhɔ- -nu këwɔn yaa -nu bha- 'ka.»

¹³Ya kë =dhe Atanna =ya -mlɛɛ -dee 'bha -da kwa =zinng 'gü -wɔn -dhiang zë =dhe -kɔ bha- 'dhö bha -oo, kö- -blɛɛsü bha 'yii kë zii -naa bha -ee? 'Sa 'wɔn 'dhe 'kö =ya kë zii kö- -dheŋg -wɔn =në =ya 'to.

**Atanna -dhɔkägükö 'ö "kpuŋg =taa yö waa- 'dhe
'ö dhang- 'gü -a -dhiang 'wo- zë**

9 ¹-Mlɛɛ -blɛɛsü 'ö gun Atanna waa Izraëdhö -mɛ -nu -a -nu -zinng 'gü 'dhü bha, 'wluu- -nu 'wo- -ya 'ö 'wo gun "saa- bho sië Atanna "dhiü -a -bha -yö -gun, 'yö -dhe 'ö mɛ "bhu- -nu -wa -pë -kë -a -dhökëdhe 'ka 'ö gun mü. ²⁻³-Dhe 'ö 'dhü bha sɔkɔ 'ö gun 'mü -yö -gun 'pe -sü 'ka 'ö 'gü 'kɔɔdhö sɔ 'ka -dhe =ple =në- 'gü. -A -blɛɛsü bha 'yö 'wo- -dhe Atanna -dhökë -dhe. -Dhangbha 'wo gun- dɔ sië- -gɔ 'kɔɔdhö bha oo, -tabɛdhi waa- 'bluu- 'wo gun- -dhökë sië- 'ka bha, -wo -gun -dhe 'dhe bha =në- 'gü. 'Yö -dhe =ple -naa 'ö gun 'kɔɔdhö =yën bha 'wo- -dhe -dhe Atanna -dhökë -dhe =dede. ⁴"Saa- -bho -ta -pë 'wo- -pë -kë 'ö- =gban gun "sënnng 'ka, 'ö 'wo gun -dhasiklɔɔ 'gü sië- -ta bha oo, =gbëë 'ö- -nu -zv -da -mlɛɛ bha- -ta 'ö "sënnng -yö gun- 'pö- -bha bha, -wo -gun -dhe 'dhe bha =në- 'gü. 'Yö 'pë 'ö kwa "bhema -nu -wa -bhö yi 'bha 'ka "tɔng -ta 'wo- manö -kë bha- 'bha- gun pë "fië 'ö- 'gü 'ö- =gban gun "sënnng 'ka bha oo, "dhü 'ö Aadhɔn gun- 'kun sië 'ö -kwɛɛ- 'ö ka 'ö "bin -ya yi 'bha 'ka bha waa- -gwë "pɛn -nu 'ö -mlɛɛ bha- 'gü 'tɔng- -nu 'wo gun -ben zë -sü 'ka- -ta bha 'wo gun =gbëë bha- 'gü. ⁵'Yö 'wo Atanna -bha "kië -nu 'wo- -zɔn -dhe -yö -dhe bha- 'gü bha- "blɛɛn- -kë =gbëë bha- -ta "dhüŋg 'gü. 'Yö 'wo- gban "dhiü -pu -dhe 'dhe 'ö Atanna -yö mɛ -mawɔn to- -bha bha- -ta. "Kɛɛ 'wɔn 'dhe -nu 'kö 'wo bha- -nu -bho 'ko -ta "töŋg 'yaa kë -ni.

⁶Pë -nu bha- -nu -ya -kɔ 'wo gun -ya sië- 'ka Atanna -gɔ 'kɔɔdhö 'yö bha. 'Yö "saabhɔmɛ -nu 'wo gun -da sië sɔkɔ bha- 'gü -dhe -blɛɛsü bha- 'gü yi =gban "pepe 'ka, 'yö 'wo wo -bha "saabhoyë bha- -kë. ⁷'Yö- 'gü -dhe =ple -naa 'ö 'kɔɔdhö =yën bha "saabhɔmɛ 'kpɛi- bha yöö do =në -da mü -kwe -bha 'do 'do, wü 'ö "saa- bho- 'ka Atanna -dhe 'ö -dɛ -bha 'wɔn yaa -nu waa- "segümɛ -nu =gban "pepe -bha -nu 'wo- -kë wo tii -bha -a -wɔn 'gü bha- =yɔɔn bha- 'ka. ⁸-Kɔ 'ö Atanna -bha 'Nii- "slüöslü -ya -zɔn 'ka kwa -dhe -dhe kwa "yan 'dhö -tun -dhökë 'gü -kɔ -blɛɛsü 'kö bha- -bha, kö zian 'ö dho- -dhökë -dhe =dede 'gü 'yii "pu -kö bha 'yö bha. ⁹'Sa 'wɔn 'dhe 'kö bha -yö -gun 'wɔn 'dhe 'kwa- -dhiang zë sië ka -dhe =dɛɛ ya =në- zɔn 'ka 'ka. Kë "dhü kö 'kwa- 'wɔn dɔ =dhe -tuüpe -nu waa- pë "wɛɛdhe -nu 'wo "saa- bho- 'ka -sië Atanna -dhe bha- 'bha 'yaa =mɔɔ- -bha kö -yö bɔn bho mɛ -bha -todhü 'ka. ¹⁰-A -gen -mü =dhe "saa- -nu 'wo- bho "dhü bha -wa -bho -bhöpë -nu oo, müpë -nu waa- -kë "slüöslü -zu bho -kɔ suu 'gbe =në- 'ka "kpuŋg =taa 'dhu 'gü. Kë "dhü kö "töŋg 'ö Atanna dho- =gban "pepe "gla- 'ka bha -yö -loo.

¹¹"Kεε Klisi -zē -bha kē 'ō- wo "saabhome 'kpii- 'ka bha, -yō -kē 'ka "dhü "tüng 'kwa dɔ- 'ka ya -nē- 'gü. Kē "dhü kö 'ō kwaa- Atanna -nu kwa -kɔ 'wü 'koo =dedewo "pɛɛpɛdhö. -A -wɔn 'gü, -a -bha "saa- -bho 'gü -kɔ 'ō -da 'gü bha- =bhlēē -kē 'kpii- -kɔ -dhiang 'yaa zē, yōō do bha pō 'aa- -bha. Me "bhü- -nu 'wii yō -zē dɔ. =Ya kē "dhü kö "kpungtaapē 'yaa -mü. ¹²Klisi -bha -da -kɔ do 'ō- wo Atanna -dhɔkē -dhe =dede bha- 'gü 'ō- 'bha 'yaa- "dhiü "εen 'ō- 'bha 'yaa- =taama 'zü bha, 'yii dho mü -bhv =yɔɔn waa- -dunē =yɔɔn 'ka =dhe "saabhome -blɛsü -nu -bha bha- 'dhö, -yō -da mü 'ō -dɪ =yɔɔn =nē- 'ka, 'yō- -bha 'saa- "dhiü "wɪ -sü bha Atanna -yō kwa -mawɔn to- -wɔn 'gü 'yō kwa gba =sii 'ō 'yaa yēn -a 'ka. ¹³-A pō 'a- wo "dhü bha- 'klɔɔ- -mü =dhe "sanni -du gɔn =yɔɔn -nu, "εen -bhugɔn =yɔɔn -nu, "εen -du -dhee -nu 'wo- -gü 'ō 'wo- "yuv "yi bho 'wo- =wennng 'me 'ō bian 'dhö- -nu -bha -a -nu -ta kö -wo kē 'slüüslü =dhe -kɔ 'ō- -nu -bha 'tɔng- -ya pō- 'ka -a 'dhö -a "dhiü -yō "wɪ, kö Atanna -ya -nu -ma -wɔn 'to bha -oo, ¹⁴'yō Klisi =yɔɔn -zē =wε? "Kεε kö yō =nē yō -zē 'ō 'ō -dɪ nu "saapē 'ō pō 'aa- -bha -a 'ka Atanna -dhe 'Nii- "slüüslü 'ō 'yaa ga tongtongdhö 'ō Atanna -ya -ya 'gü bha- faan 'ka. -A =yɔɔn bha -yō -mɔɔ -bha 'ō kwa -zu "wlaawɔn -nu 'kwa- -kē bha- -wɔn 'gü, 'ō 'kwa -kē "puu Atanna wēēdhö, 'ō kwa -zu 'yaa -bö -a -nu -wɔn -ta 'zü. Kē "dhü kö 'kwa Atanna "yaandhe bha =nē- -dhɔkē.

¹⁵'Wɔn 'ō- -wɔn 'gü, 'yō Klisi =nē -mlɛ -dee 'ō -da kwaa- Atanna -nu kwa =zinng 'gü bha- -da -mε 'ka bha 'yō bha. Kē "dhü kö 'mε 'ō- -nu -dhe kö -wo kē 'ō -bha 'ka bha -wo 'wɔn -sē 'ō- "plüün bho- -nu -dhe 'ō- "dhiütodhe 'yaa 'dhö bha- =slɔɔ. -A =slɔɔ 'wo- wo "dhü bha -wa -wo 'mε 'ō ga- -nu -wɔn 'gü, kē "dhü kö 'ō- -nu -gɔ -ta 'dho Atanna -gɔ 'wɔn yaa -nu 'wo- -kē kö -wo -tun -mlɛ zii bha- 'gü bha =nē- 'saa- 'gü.

¹⁶-A pō 'a- wo "dhü bha- 'klɔɔ- -mü =dhe 'waa me 'bha 'kean- 'gü -dhiang zē kö- -me 'yii ga. ¹⁷Kö 'zü- -mε =ya 'to "yaan =ya 'ō 'kean- -gblü -kɔ =gban pō, "kεε -a -mε =ya ga =nē- wo 'yō =bhlēē -yō -kē 'kean- 'gü -dhiang -bha. 'Ö -tun -zē bho "yaan =bhlēē 'yaa kē- -bha. ¹⁸'Wɔn 'ō- -wɔn 'gü, 'yō -mlɛ -blɛsü -zian 'ō Atanna -ya -kē kwa 'ka bha- zü 'yii bho "wεwεε kö wü 'bha =yɔɔn 'yii =wennng bha 'yō bha. ¹⁹-A -gen -mü -dhe =dhe 'ō Moizö =ya 'ō bo -ziö Atanna -bha 'tɔng- -nu 'ō- -ben zē Izraēdhö -mε -nu -dhe yi 'bha 'ka bha- 'gü -sü 'ka- -nu -dhe =dhe -kɔ 'ō- pō- 'ka -a 'dhö, 'yō -du 'nē =yɔɔn waa- -bhugɔn =yɔɔn waa- "yi -a -nu sü, 'yō "dhü 'bha 'wo- -dhe izɔpō, ('ō- "dhe -yō bho gēnng "dhe -bha) bha- kwεε' do sü, 'yō waa wü kaa- 'ō =waa- kē -zaɔndhö -a -nu -da 'ko 'piü, 'yō- -da =yɔɔn bha- =bhaa, 'yō- -fenfen -kē Atanna -bha 'tɔng- -nu bha 'wo gun -ben zē -sü 'ka 'sēēdhε 'ō- 'gü bha- -nu -ta, 'yō dho 'yō- 'bha =wennng Izraēdhö -mε -nu bha- -nu -ta =dhe -kɔ do bha- 'dhö kö -ya pō siē:

²⁰«-Mlɛ 'ō Atanna -ya -da keng- -nu ka =zinng 'gü bha,

-a zü -bho -ta -pē =nē =yɔɔn 'a- =wennng siē ka -ta bha- 'ka.»

²¹'Yō dho 'ō Atanna -dhɔkägükö 'ō sɔ 'ka, ('ō 'tɔng- =gbēē 'dhö- 'gü) bha- -bha -kē "dhü waa- 'gü -pē =gban "pepe 'dhö. ²²-A -kē "dhü -sü bha- 'gü, me

-ya me "yan kpɔ- "piü, me -ya 'wɔn -dɔ Atanna -bha 'tɔng- -nu -bha -dhe pë "pɛpɛ 'wo 'bɔn bho- 'ka me -bha bha, -wa 'kpii- -dhe -gban -bho -yɔɔn -në- 'ka. -Ya kè "dhü kö Atanna 'yaa 'wɔn yaa -zè 'bha -mawɔn 'to "wɛwɛɛ kö pë 'bha -yɔɔn 'yii -wɛnng.

²³'Bɔn -bho pë -nu 'wo "kpung =taa yö- -nu -bha -kɔ -nu 'wo gun yi 'bha 'ka 'yö bha. 'Sa yö -zè -yö -gun 'wɔn -nu 'wo -kè dhang- 'gü -a -nu -zɔn 'ka 'ö Atanna -ya -zɔn kwa -dhe -në- 'ka. -A -kè "dhü -sü bha- 'gü, kö -a 'dhe 'ö dhang- 'gü 'ö yö -zè 'ö -bhlëësü 'ö -ziö "kpung =taa -bha -ta bha- -bha "saa- -bho 'ka -pë bha, -a -dhe -bha =dhe -yö kè -bhlëësü 'pö kö -yö ziö- 'ka "kpung =taa -bha -nu bha- -nu -ta. -A 'dhe 'ö "dhü bha yö -mü Klisi -në- 'ka. ²⁴-A pö 'a- wo "dhü bha- 'klɔɔ- -mü =dhe Atanna -dhɔkëgüko 'dhe 'ö Klisi -yö -da 'gü dhang- 'gü bha me -kɔ "dhe 'yii- dɔ, -a -gen -mü =dhe -a 'dhe 'ö me -ya dɔ bha -yö -gun -a =dede -sü 'ö -da 'gü bha -në- "blɛɛn- 'ka. -Yö -da -sü 'ka dhang- 'gü -dhe =dede -në- 'gü 'ö dɔ Atanna -kuu "dhiü. Kè "dhü kö 'ö kwa 'gü -dhiang zè- -dhe -kpeawo. ²⁵Zuifö -nu -bha "saabhomé 'kpii- 'kö 'wo gun bha -wo -gun -da siè Atanna -dhɔkè -dhe 'kpiisü bha- 'gü "dhü -kwe -bha 'do 'do -kwe "pɛpɛ =gban -në- 'ka, 'yö 'wo- -nu -bha "saa- bho, "kɛɛ Klisi -zè -da 'ö- wo dhang- 'gü bha 'yii 'dho kö -yö 'ö -dɔ kè "saa- 'ka -dhe do 'gü kplɔnkplɔndhö. ²⁶'Yaa "dhü 'nu kö -yö -dho saan" bha- wo -gen -yan 'gbe =dede 'ka, 'ö- zü bho "kpung =taa -dhe -da "tüng 'gü. "Kɛɛ -yö nu -kɔ doseng 'ö- 'bha 'yaa- "dhiü 'ö- 'bha 'yaa- =taama bha- -wo "tüng -totaamasü ya -në- 'gü kö 'ö me "bhu- -nu -bha 'wɔn yaa bho- -nu -bha -a -bha "saa- 'ö- bho bha- 'ka. ²⁷-Dhe 'ö -kè -dhe 'waa ga =plɛ, 'ö =wa ga -kɔ do bha- wo kö Atanna -bha za -dɔ me -bha -wɔn -në -ya 'to bha, ²⁸Klisi -dɔ 'pö -yö 'ö -dɔ -nu -gen -yan doseng 'ka -kɔ do bha -në- 'gü kö -yö kè 'bɔn -bho me 'gbe =dede -bha -gen 'ka, -yö -dho -ya mü 'zü 'ö nu =plɛ -naa wo, "kɛɛ -yö -dho yö -zè wo "dhü 'me 'wo "yan 'to siè- -gɔ bha -në- -nu -wɔn 'gü kö -ya -nu dha -sü bha- -gɔ -da 'plöö, 'yii 'dho- wo 'bɔn -dee 'bha -bho me -bha -wɔn -zè 'gü.

10 ¹'Wɔn -sè -nu 'ö- nu -wɔn -yö gun bha Moizö -bha 'tɔng- -nu -zè -wo -gun "blɛɛn- -në- 'ka, 'waa gun- =dede 'ka. -A -gen -mü -dhe 'ö gun "dhü kö Atanna 'yii- 'bha kè -kö. "Kɛɛ 'tɔng- -nu kö 'wo bha 'waa -mɔɔ- -bha kö -wo 'me 'wo- "piü 'wo -yɔɔn Atanna "sɔɔ -a -nu 'bha kè "slüüslü -a wëédhö. -A pö 'a- wo "dhü bha- 'klɔɔ- -mü =dhe -wo -dho =mɔɔ- -bha -kɔ -kè -dhe kö "saa- do bha =në 'wo- bho "dhü -kpeawo -kwe =gban "pɛpɛ -ta. ²-Ya kè 'nu =dhe Atanna mɔɔ- -kɔ suu 'dhe 'ö bha 'me 'wo- -kè bha -ya -nu -kè "slüüslü -a wëédhö "pɛpɛdhö, kö 'wii 'dho wo -dɔ yö 'nu 'wɔnyaa kème 'ka, 'ö 'wo "saa- bha- bho -kpeawo, kö -wo -dho wo bo "saa- bho -sü 'ka. ³"Kɛɛ "saa- -zian 'wo- bho "dhü bha -në- -nu -zɔ -da -a -nu kèwɔn yaa -nu -ta -kwe "pɛpɛ =gban 'ka. ⁴-A -gen -mü =dhe -dugɔn -nu waa- -bhugɔn -nu -zè -kè "saa- 'ka -sü 'yaa -mɔɔ- -bha kö -yö 'wɔn yaa bho me -bha tongtongdhö.

5'Wɔn 'ö- wɔn 'gü, 'yö 'ö gun kö Klisi yöö nu "kpung -taa 'yö- pö Atanna -dhe:

«N Dë Atanna, wü -nu 'wo- -kë i -dhe "saapë 'ka,
 "ɛɛn pë -nu 'wo- -gbaɔ i -gɔ bha- 'bha 'dhia 'yii 'ma i 'gü,
 "kɛɛ mang -dede -në 'i n -dhü -pë -kë
 kö 'a kë 'wɔn bha- këmɛ 'ka.

6'Wɔn yaa -nu -bha "saa- "pepe 'wo- bho,
 "ɛɛn -tuü -pë "pepe 'wo- zë 'wo- -gü i -dhe bha- 'bha 'yii i -zu 'kun.

7'Wɔn 'ö- wɔn 'gü, 'yö 'a- pö:
 Mang -dede -në maa nu kö 'a i dhɔɔbhaawɔn bha- kë
 -dhe -kɔ 'ö -bɛn zë -sü 'ka- 'ka n -bu 'gü
 'tɔng- 'sëedhe 'gü -a 'dhö bha 'yö bha, ma Atanna.»

8-A pö 'ö- wo bha -ya -pö -kö -blɛɛsü -dhe:
 «Pë 'i- mɔɔ 'yaa -mü wü 'wo "saa- bho- 'ka i -dhe,
 "ɛɛn 'pë 'wo- -gbaɔ i -gɔ bha- 'ka,
 "ɛɛn 'zü -dhe wü -nu 'wo- -gü,
 "ɛɛn 'wo "saa- bho- 'ka 'wɔn yaa -wɔn 'gü bha- 'bha 'dhia
 'yii 'ma i 'gü»,

"kɛɛ 'sa kö 'tɔng- -në- pö -wa kë.

9'Yö -ya mü 'zü 'ö- pö:
 «Mang -dede -në maa nu kö 'a i -dhidhe -wɔn bha- kë,
 ma Atanna.»

-Ya kë "dhü kö Atanna -ya "saa- -blɛɛsü -nu bha- -nu -wɔn bho- -bha -në-
 bho 'yö -ya Yesu Klisi -bha bha dɔ- "gblü 'gü bha. 10'Wɔn 'ö- wɔn 'gü 'yö
 'a- pö ka -dhe -dhe 'wɔn 'dhe 'ö- "dhia- gun- 'gü Yesu Klisi -ya kë 'ö- wo,
 'ö 'ö -dɪ nu -kɔ do bha- -kë "saa- 'ka kö -yö kë "saa- bho -sü -gban "dhiü 'to
 -dhe 'ka bha -në kwaa- 'wɔn yaa bho kwa -bha -todhü 'ka bha 'yö bha.

11-A -gen -mü -dhe "saabhome "pepe 'ö 'dhö, -a -nu -bha yë -në "saa-
 bho -sü 'ka, 'ö -ya mü 'zü -wo "saa- do -bho -dhe do 'gü -kplɔn 'kɔn
 -kplɔn 'kɔndhö. "Kɛɛ 'sa 'yaa -mɔɔ- -bha kö -yö 'wɔn yaa bho mɛ -bha
 tongtongdhö. 12"Kɛɛ Klisi -zë -yö mɛ "bhu- -nu -bha 'wɔn yaa -bha "saa-
 bha- -bho "dhü dosengseng, "kɛɛ -a -bha -zë "dhiü "wɪ -sü "dhiütodhe 'yaa
 'dhö, 'yö -ya mü 'zü, 'yö -ya -sü 'ka -due -bhlɛɛsü 'ö Atanna "sɔɔ bha- 'gü.
 13-Yö -ya -sü 'ka -dhe bha -në- 'gü dɔ 'kwa- wo ya- 'gü kö -yö 'to- 'ka "dhü
 -yö zun- 'ka yi 'ö Atanna dho- 'yaa- -nu -gɔ -da 'ka- -gbe -wɪlöö bha- -bha.
 14-A -kë "dhü -sü bha- 'gü, 'ö -dɪ nu -kɔ do 'ö- -kë bha -në- -kë, 'yö pö 'aa
 'mɛ 'ö- -nu -bha 'wɔn yaa bho- -nu -bha bha- -nu -bha 'zü Atanna wëedhö
 tongtongdhö.

15Pë do bha -në Atanna -bha 'Nii- "slüüslü -ya pö kwa -dhe 'pö 'ö- pö:
 «Kwa Dëmɛ -ya -pö:

16 "Tüŋg 'a- pö sië bha -ya -loo yi 'ö- 'ka,
 -mlɛɛ -dee 'a dho- kë- -nu 'ka, -kaa -ga ya.

A -dho ma 'tɔng- -nu -da -a -nu zuë" 'gü,
 'ö 'a- -ben zë- -nu 'nii- 'gü.»

'Yö- 'bha -zuö -ta 'ö- pö:

17 «=Ya 'go mü 'zü n -zu 'yii 'dho -bö -a -nu këwɔn yaa -nu,
 'ɛen ma 'tɔng- -nu 'wo- bho bha- -ta 'zü tongtongdhö.»

18 -A -gen -mü -dhe 'saa- 'ö- bho bha- -wɔn 'gü, -wa bo mɛ këwɔn yaa
 -nu -mawɔn 'to -sü -zë 'ka, kö 'wɔn yaa -bho mɛ -bha -saa bho -gen 'bhaa
 'dhö 'zü.

-Yɔɔn Atanna "sɔɔ -sü -dhiang 'wo- zë

19 -A -kë "dhü -sü bha- 'gü, n dheebhang -nu, -da Atanna -dhɔkë -dhe
 =dede bha- 'gü -sü 'ö 'dhö, -a zian "dhi =ya "pu kwa -gɔ Yesu Klisi =yɔɔn 'ö
 =wɛnng bha- 'saa- 'gü. Kwa -mɔɔ -bha 'kwa -da mü kwa 'flëë- 'gü. 20 Yesu
 bha =në zian -dee 'ö bɔ 'kɔ 'gü -kan 'gü -sɔ bha- 'gü, 'ö "saabhome -nu
 -gɔmɛ 'kpïi- gun bɔ sië- -ta -kwe -bha 'do 'do, 'ö dho Atanna -dhɔkëdhe
 =dede 'gü bha kwa -bha 'ö kwa gba =sii 'ö 'yaa yën- 'ka bha- 'ka. Sɔ bha -yö
 -gun -a -dhü 'ö sëë bho kwa -wɔn 'gü "dhü -bha bha =në- "blɛen- 'ka. 21 Yö
 =në Atanna -bha mɛ "pɛpɛ =gban kwa -bha "saabhome 'kpïi- 'ka. 22 -Dhe 'ö
 "dhü, -ka -kwa =yɔɔn Atanna "sɔɔ kwa zuë" =gban 'ka, kö "sika 'ya 'dho kë
 kwa 'gü -zu -yö -a -dhe -sü 'gü, kö 'kwa 'wɔn "pɛpɛ 'ö kwa zuë" -yö =mɔɔ
 -bha 'ö za dɔ kwa -bha -a 'gü bha- bho kwa -bha. -A -gen -mü -dhe -a =yɔɔn
 'ö -dhe =yɔɔn 'wo gun =wɛnng sië Atanna -bha mɛ -nu -ta yi 'bha 'ka, 'yö
 'wo -kë "slüüslü bha- 'dhö bha =ya kwa "zu. 23 'Wɔn 'ö Atanna -ya "plüün
 bho kwa -dhe 'ö kwa -zu 'dhö- 'gü bha, -ka -kwaa 'kun 'gbu-. -A -gen -mü
 -dhe kwa 'dhang bho -sü -ya "dhiü 'kpakpadhö -dhe -yö -dho 'to 'ö -wu
 -ta. 24 -Ka -kwa kwa "tüng kë kwa 'ko 'gü kö 'kwa kwa 'ko -nu faan dɔ, kö
 mɛ =gban -dhö -yö kwa kë kö kwa zuë" -yö bho 'wɔn -së kë -sü =në- bha.
 25 -Bhɛa Atanna -dhe -mɛ -nu 'kwa bha -ya -nu 'kwa- wo sië -dhe do 'gü kö
 'kwa- -wu ma bha mɛ 'bha -nu 'waa 'dho mü 'zü. 'Kwa 'dho- kë -dhe -a -nu
 'dhö, "kɛɛ kwa -zë -ka -kwa -ya -dhe do 'gü kö 'kwa kwa 'ko -nu faan dɔ -to
 "piü -sü -bha -kpɛawo, -a -gen -mü -dhe ka- 'wɔn -dɔ 'kpakpadhö -dhe kwa
 Dëmɛ bha- nu "tüng =ya =tëng =dedewo.

26 -A pö 'a- wo "dhü bha, n dheebhang -nu, -a 'klɔɔ- -mü -dhe 'kwa bo
 tɛanwɔn 'ö -gban Yesu Klisi -bha bha- dɔ -sü 'ka, kö 'kwa -ya mü 'zü 'kwa
 'kan -deewo Atanna -bha tongtongdhö kö 'kwa kwa -gɔ -gban 'wɔn yaa kë
 -sü 'gü, kö "saa- 'ö yöö 'wɔn yaa bho kwa -bha 'yaa 'dhö 'zü. 27 Kö "suü =në
 yöö kwa kë =taamasü 'gü 'wɔn 'ö dho kwa "dhiü =slɔɔ bha- -wɔn 'gü. -A -gen
 -mü -dhe kö Atanna -bha za 'ö yöö kwa zë kö peng "dhiü- 'ö- -ya 'ö 'yaa- -nu
 -gɔ bha -yö kwa -bhö bha =në- -wɔn =ya 'to. 28 'Ö gun Moizö -kwe -ta, mɛ "bu
 mɛ 'ö =yaa- -bha 'tɔng- bho, kö mɛ =plɛ mɛ -yaaga -wa -dhe yö kö -wa "sɛedhe
 kë, -wa -mɛ zë =në- wo, -a -wëë 'yaa mɛ 'bha kë. 29 -Ya kë "dhü, 'yö 'mɛ 'kö yö
 -zë 'ö Atanna Gbö yöö =dede =në- -da 'ö -gen =wlöö, 'ö- =yɔɔn 'ö -mlɛɛ -dee, 'ö

Atanna -yö bɔ- -ta 'ö- -ga me "slüöslü 'ka bha- -ga "wlaa- 'pë 'ka, 'ö "yan -ziö 'gü 'ma Atanna -bha 'Nii- "slüöslü 'ö -gasite -kë 'ka kwa -dhe bha- -bha =we, -a -me -bha -dho kë mü -dhe? Kaa =dede ka -mɔɔ -bha 'ö 'wɔn 'ö- -dhe 'dhö- -bha -dhe -yö wɔ me 'ö "dhü bha- -ta -a -bha -kë -ziisü -sü bha 'ka ka -zu 'gɔn- 'gü.

³⁰-A pö 'a- wo "dhü bha- 'klɔɔ- -mü -dhe me 'ö dhiang zë 'ö- pö -dhe:

«Mang =dede =në 'a dho n bhlɔɔ bho,

ma =në 'a dho 'wɔn bho 'wɔnyaakëme -nu 'gü» bha kwa- -dɔ.

"Kee 'sa yöö do bha =në- pö 'zü -dhe:

«Kwa Dëme -dho za dɔ ö -bha me -nu =gban "pepe -bha.»

³¹-Da Atanna "yaandhe 'ö "dhü -a -kweng -sü bha -yö 'wɔn -ziisü =në- 'ka, n dheebhang -nu.

³²-A -kë "dhü -sü bha- 'gü, ka -zu 'ya 'dho bho 'wɔn -nu 'ka -ziö 'gü ka -da Atanna -wu 'gü "tüng 'gü, saan" -nu 'ka- wo kö 'ka bo -dhepuudhe 'ö go- "piü -a =slɔɔ -sü 'ka, 'ö 'wɔn "gbu- "gbu- -nu -wo -wɔ ka -ta, "kee 'ö kun bho ka 'gü bha- 'ka. -A -gen -mü -dhe -wo kë 'si -bho ka -gɔ, ³³'ö 'wo ka -wëë -kë "dhiü wo me =gban -me =gban "yaan "een 'zü 'ö 'ka dho 'ka bɔ 'me 'wo- kë sië- -nu 'ka "dhü 'pö bha- -nu 'ka. ³⁴'Ö -kasogüme -nu -wëë -yö ka -kë, 'ö 'ka- -nu -ta kun, 'wo faan -wɔ ka -ta 'wo ka =slɔɔpë -nu sü ka -gɔ, 'ö 'kun bho ka 'gü 'ka- nu 'yu 'ka, kö- -naa ka "yaan =dhe -a 'dhe 'ö =bhlëesü 'ö -ziö 'dhe bha- -ta, 'ö 'yaa yën tongtongdhö bha -yö ka -gɔ. ³⁵=Dhe 'ö "dhü, n dheebhang -nu, 'dhang -bho Atanna "dhiü -sü 'ö ka -gɔ bha 'ka 'dho ka kwaa- -zü tongtongdhö! -A -trɔɔn 'kpikpi -yö -dhö 'ö -ya -sü 'ka ka -gɔ. ³⁶-A -dhea -bha =dhe ka 'gü =në =ya 'dho ga, kë "dhü kö 'ka ka bo Atanna -dhidhe -wɔn bha- kë -sü 'ka, kö 'pë 'ö- "plüün bho ka -dhe bha 'ka- =slɔɔ. -A -gen -mü -dhe -yö -ben zë -sü 'ka- -wu 'sëédhe 'gü -dhe:

³⁷«-A "tüng =ya 'to 'dëde, 'dëde =dedewo

kö 'me 'ö- nu -wɔn 'dhö 'dhö bha -yö nu,

'yii 'dho =gwëë mü 'zü.

³⁸'Me pö 'aa -bha n "yan 'gü 'ö dho =sii 'ö n "piü -a =slɔɔ bha

-a -me -dho -a =slɔɔ -a -bha -zu -yö n -dhe -sü =në- 'saa- 'gü.

"Kee =ya kë -dhe -a me =ya ö yee -zë kë kö -yö 'dho ö =taama,

-a "dhia 'yii 'dho 'ma n 'gü.»

³⁹-A -kë "dhü -sü bha- 'gü, kwa -zë 'kwaa 'me 'wo dho wo =taama kö -a -nu 'gü -yö =see bha- -nu kpö 'gü, kwa 'me 'wo 'dhang bho Atanna "dhiü kö 'wo wo 'nii- dha =në- -nu kpö 'gü.

'Dhang -bho Atanna "dhiü -sü 'klɔɔ- 'wo- pö Eblö -nu -dhe

11 ¹"Kee 'sa 'pë 'wo- -zu -yö Atanna -dhe -sü -kë bha yö -mü 'dhang- -bho 'wɔn -nu 'ö- kë -sü "plüün bho, "kee 'ö 'yii kë =kö bha- "dhiü -sü 'ö 'kpakpadhö =dhe -yö -dho kë, =dhe pë -nu 'ö me 'bha 'yii- yö do, -wo -dhö tean- 'ka bha =në- 'ka. ²-A yö =në gun 'me 'wo gun "dhiü -a -nu -gɔ 'yö Atanna -ya -nu -dhiang -së zë.

³-Zv -yö Atanna -dhe -sü suu 'ö "dhü bha -në- -kë 'yö 'kwa- 'wɔn dɔ -dhe -yö "kɔŋgtaadhe -pë kē ö -wu -në- 'ka, -dhe pë -nu 'ö mē -ya yö bha -wo -go -a 'dhe 'ö mē 'yaa- yö -në- 'gü.

⁴-Zv -yö Atanna -dhe -sü suu do bha -në gun Abədhö -gɔ 'yö "saa- 'ö waa- -dhoo Kaen 'wo- bho bha, 'yö- -bha -zë -yö Atanna -zv kun 'ö -ziö Kaen -bha -ta. -A -bha -zv -yö Atanna -dhe -sü bha -në- -wɔn 'gü, 'yö- pö- -bha -dhe pö 'aa- -bha, 'yö pë -nu 'ö- -gbaɔ Atanna -gɔ bha, 'yö- 'gü -wɔn -yö -dhi -dhe. Abədhö -ya ga 'nu yi 'bha 'ka, "kɛɛ -a -bha -zv -yö Atanna -dhe -sü bha -në -tun dhiang zë sië kwa -dhe -dɛɛ.

⁵Enɔkō -dɪ 'pö- -bha -zv -yö Atanna -dhe -sü -në- -wɔn 'gü, 'yö- sü 'yaandhe 'ka, 'yö dho dhang- 'gü 'yö 'pë 'wo- -dhe ga 'yii- dɔ. Mē 'bha 'yii- yö 'zü tongtongdhö, -a -gen -mü -dhe kö Atanna yaa- 'sü -ya 'dho- 'ka. 'Sa "sanni -ya 'sü kö -yö 'dho- 'ka "dhü, kwa- -ma -a -wu 'gü -dhe kö -yaa- pö- -dhe 'nu -dhe -a "ta -kɔ bha- "dhia -yö ö 'gü. ⁶'Sa mē 'bha "dhia 'yaa -mɔɔ- -bha kö -yö 'ma Atanna 'gü "wɛwɛɛ kö -zv -yö -a -dhe -sü 'yaa- -mē -gɔ. -A pö 'a- wo "dhü bha- 'klɔɔ- -mü -dhe mē "ɔɔ mē 'ö -yɔɔn- "sɔɔ, -a -dhe a -bha -dhe -a -mē 'ö 'dhö -a 'dhang bho -sü kē- "dhiü 'kpakpadhö -dhe -yö -dhö, -dhe 'mē 'wo- -mɔɔ, -ya 'gü -wɔn -së -kē -a -nu -dhe.

⁷-Zv -yö Atanna -dhe -sü bha -në gun Noe -gɔ, 'yö 'wɔn 'ö- to "dhiü 'ö- pö- -dhe bha 'ö 'dhang bho- "dhiü kö 'yii- -dhe yö -kō, 'yö- -wu bha- -bhlëë -ya, 'yö 'wɔn bha- to "dhiü 'yö 'yitagɔ -pë -kë, 'yö -dhe 'ö- "tüng -ya -loo, 'yö waa- -gɔ 'kɔɔmē -nu 'wo -da 'gü, 'yö 'wo dha. -A -bha -zv -yö Atanna -dhe -sü bha -në- -wɔn 'gü, 'yö- -bha za -yö -dhi -a -kuu "dhiü, 'yö Atanna -bha za -yö "kɔŋgtaame -nu zë "tüng bha- 'gü -zv 'ö 'wii- yö- -dhe 'pö -dhe Noe 'dhö bha- -wɔn 'gü.

⁸Ablaamö -dɪ 'pö, -a -bha -zv -yö Atanna -dhe -sü -në- -wɔn 'gü, 'yö- bɔ 'ö Atanna -ya wo "sɛgɔ 'ö dho- kē- 'kean- 'ka -a bhang -nu -dhe yi 'bha 'ka bha- 'gü bha 'yii- -kɔ. 'Yö -wɪü ö -dɪ -gɔ "sɛ 'gü 'ö dho ö -gɔ "piü, kö 'yaa ö 'dhodhe -zian -zian dɔ. ⁹-A -bha -zv -yö Atanna -dhe -sü bha -në- -wɔn 'gü, 'yö -tosea -kē "sɛ 'ö- "plüün bho- -dhe bha- 'gü -dhe -dɛng 'dhö. 'Yö -wɔ sɔ bɔɔ" -wɪö, 'yö- bhang -nu, Izaakö waa- Zakɔbö 'ö Atanna -ya "plüün bho 'pö- -nu -dhe bha 'wo- -kē 'pö -dhe -a 'dhö. ¹⁰-A -gen -mü -dhe 'ö gun "dhü kö Ablaamö "yan -yö 'pödhē 'ö Atanna yöö -dede -në- dan, 'ö- dɔ 'ö 'yaa 'wü bha -në- -gɔ.

¹¹-Zv -yö Atanna -dhe -sü 'ö "dhü bha -në- -kë, 'yö- -bha kē zii -sü kö 'yaa -mɔɔ- -bha kö -yö 'në 'kpɔ 'zü -sü -gban waa- -bha -bha, 'yö Atanna -yö waa- -bha dhebho Saadha -a -nu -kē 'në 'kpɔmē 'ka. -A -gen -mü -dhe 'ö gun "dhü kö- 'dhang bho -sü -ya "dhiü 'kpakpadhö -dhe -ya 'wɔn "ɔɔ 'wɔn 'kö- "kan ö "dhi 'ka, 'yaa 'to- 'gü tongtongdhö. ¹²-Kɔ 'ö -kē 'ka, 'yö Ablaamö 'ö -ya gun -ya kē zii, 'ö 'yaa 'në 'kpɔmē 'ka 'nu 'zü tongtongdhö bha 'ö 'në kpɔ, 'yö 'waa -mɔɔ- -bha kö -wa suu "dhi dɔ -dhe "susɛngga 'ö dhang- -bha, "ɛɛn -dhe "yɛɛn 'ö -weeyi "dhiü -a 'dhö -dɛɛ bha 'yö bha.

¹³Ablaamö waa- bhang -nu bha 'wɔn "pepe 'ö Atanna -ya "plüün bho-
-nu -dhe "dhü bha- 'bha 'yii kë woo -dede -zë -a -nu -dhe 'ö to- 'ka "dhü 'wo
ga. "Kεε -a -nu 'dhang bho -sü gun 'ö- wo Atanna "dhiü 'kpakpadhö -dhe
'yaa ö -wu 'to bha- -wɔn 'gü, -wa 'gü -wɔn kë "tüng -to -gblæn 'ö- -nu 'yan
-yö -da -a kë -dhe 'gü, 'ö 'wo wo "dhia bho- -wɔn "dhiü, -a -gen -mü -dhe kö
-wa 'wɔn -dɔ -dhe -dheng -mü wo 'ka "kpung ya- =taa, zian =në 'wo- zió sië.
¹⁴'Sa me "pepe 'wo dhiang zë "dhü bha, me -ya -dhe -yö -a -nu pö -wu bha
-në- -bha -dhe -wo wo dë -yεa =dede bha =në- mɔɔ- sië. ¹⁵-A -gen -mü -dhe
-ya kë -dhe -a -nu -zu 'yii 'go 'nu "sε 'dhe 'wo go- 'gü bha- "piü, -wo -mɔɔ
-bha 'ö 'wo wo yee -kë 'zü -deewo 'wo dho mü. ¹⁶"Kεε -a 'dhe 'ö dhang- 'gü
'ö -bhlëesü 'ka 'ö -ziö -a -blæesü bha- -ta bha =në- -wɔn 'dhö gun- -nu -zu
"piü. 'Wɔn 'ö- -wɔn 'gü, 'yö- -nu -bha Atanna -dhe -sü 'ö woo- Atanna bha-
'yiü- 'yaa Atanna kë bha 'yö bha. -A -gen -mü -dhe yöö -zian =në- -nu -bha
'pö- dɔ -sü 'ka.

¹⁷Ablaamö -bha -zu -yö Atanna -dhe -sü bha =në- -wɔn 'gü, 'yö ö gbö
Izaakö 'ö- -gɔ "dhü dosengseng bha- -kë "saa- 'ka kö Atanna yaa- 'gü dan
kö 'ö 'dhang bho ö "dhiü =dedewo kö 'ö- -dhe yö, 'sa kö yöö Ablaamö -me
do bha =në Atanna -yö "plüün bho- -dhe 'në do bha- -wɔn 'gü. ¹⁸-A pö 'a-
wo "dhü bha- 'klɔɔ- -mü -dhe 'ö gun "dhü kö =yaa- pö 'nu- -dhe -dhe -a gbö
Izaakö bha =në dho bɔ- -ta 'yö- suu -da "kpung =taa. ¹⁹"Wɪ 'ö- wo- -bha kö
'ö ö gbö kë "saa- 'ka "dhü bha- 'klɔɔ- -mü -dhe 'ö gun "dhü kö- 'dhang bho
-sü -ya "dhiü 'kpakpadhö -dhe 'ya ö gbö Izaakö zë, Atanna -mɔɔ -bha 'ö-
-bö. 'Wɔn 'ö- -wɔn 'gü, 'yö Izaakö nu 'zü Ablaamö -dhe -deewo -dhe 'me -ya
ga 'nu 'ö -ya -bö =në wo- 'dhö bha 'yö bha.

²⁰-Zu -yö Atanna -dhe -sü do bha =në gun Izaakö -gɔ 'yö to 'yaan 'yö
'dhuë- -kë 'ö- gbö Zakɔbö waa- Ezau -a -nu -bha 'wɔn 'ö dho kë- -nu 'ka
-dhe 'bha =kpayɪ -bha bha- -kɔ 'gü.

²¹-Zu -yö Atanna -dhe -sü do bha =në gun 'pö Zakɔbö -gɔ 'yö -dhe 'ö- ga
"tüng =ya =tëng, 'yö 'dhuë- -kë ö gbö Zosefu bhang -nu =ple bha- -nu -bha,
'yö -taadhü -gban ö -gɔ 'yö Atanna -dhɔkë, 'yö- nue" bho.

²²Zosefu -dɪ 'pö- -bha -zu -yö Atanna -dhe -sü =në- -wɔn 'gü, 'yö -dhe 'ö
yöö ga, 'yö Izraëdhö -mε -nu -bha -go -dhuëngdhe 'gü -sü 'ö Ezitö -sε 'gü
bha- to "dhiü 'yö- pö, 'yö -wu kpɔ- -nu -bha 'ö- pö- -nu 'dho "tüng =ya -loo
-wo ö ga -nu 'sü -wo 'dho- 'ka.

²³-Zu -yö Atanna -dhe -sü =në gun 'zü Moizö 'kpɔmε -nu -gɔ, 'yö 'wo-
"blë -dee -gblen kpɔ 'su -yaaga 'ka kö 'wa 'dho- zë (=dhe -kɔ 'ö -gblüdë -ya
pö -wa kë- 'ka Zuifö -nu 'ka "tüng bha- 'gü -a 'dhö), 'yö 'wii "suü -gblüdë 'ö
gun 'se bha- -gɔ "dhiü bha- -gɔ, kö -wa -wu -ya 'klɔɔ- "dhiü kö -wa kë -dhe
-kɔ 'ö- pö- 'ka -a 'dhö 'në bha- -bha -kë -së -wɔn 'gü.

²⁴-Zu -yö Atanna -dhe -sü do bha 'zü =në- -kë, 'yö -dhe 'ö Moizö =ya kë
'kpüi-, 'yö 'yii "wɪ- -bha kö -wo ö -dhe Fadhaɔn 'dhu -bha 'në, "kεε 'sa kö yö
=në kë "klv bho- -bha -dhe 'ö -dɪa 'në 'dhö. ²⁵'Yö ö -wëëdhe -bho Atanna

-bha me -nu "piü -sü fië- bho "dhia -bho 'wɔn yaa 'gü -sü 'ö "tüng kpö 'në 'bha 'ka bha- -bha. ²⁶Yö 'yiü- -dɔ ö -bha -sü 'ö -dhe Atanna -bha -Yame 'ö- nu -wɔn -yö gun bha- -bha 'dhö bha- fië- bho =naɔ "pepe 'ö Ezitö -se 'gü -a -slɔɔ -sü -bha, -a -gen -mü =dhe kö- "yan -ya =trɔɔn 'ö dhia" bha- -gɔ.

²⁷Zu -yö Atanna -dhe -sü -në gun Moizö -gɔ 'yö waa Izraedhö -me -nu 'wo go Ezitö -se 'gü, kö "suü -tangga -zian 'yaa- 'gü -a -nu -go mü -wɔn bha- -siö -gblüdë Fadhaɔn -dhe -sü 'gü, -dhe pë 'ö- "yan -në Atanna 'ö me 'bha 'yii- yö do bha- -bha -a 'dhö. ²⁸Zu -yö Atanna -dhe -sü bha -në gun- -gɔ, 'yö- pö Izraedhö -me -nu -dhe kö -wo -tun ziö-, 'yö- pö "bhlaanë -nu 'ö woo- zë bha -wa =yɔɔn ziö 'kpong- -gen -nu -bha, kë "dhü kö Atanna -bha "kië 'ö dho nu 'në -blesü -nu zë -dhe 'gü "saa- bha- zian- -ta bha 'ya 'dho zë bho Izraedhö -me -nu "piü, 'yö -kë -a -nu -go =dhuëndhe 'gü -troo bha- -blesü 'wo- Pakö -kë bha- -kë -kɔ 'ka.

²⁹Zu -yö Atanna -dhe -sü bha -në gun- -gɔ 'yö waa- Izraedhö -me -nu 'wo =weeyi -zaandhö -kan -dhe "kpeadhe 'gü, 'yö Ezitö -me -nu dho- -kë -dhe- -nu 'dhö, 'yö "yi -ya -nu =gban zë "pepedhö.

³⁰Zu -yö Atanna -dhe -sü -në- -kë 'yö 'pö- 'kpü- 'ö Izraedhö -me -nu -wo -gblü -da -ta yi 'bha 'ka 'wo- Zedhiko -dhe -kë bha, -a "saan 'ö gun "kan -sü 'ka- -zü bha 'ö =loo ö -dɔ 'ka kö Izraedhö -me -nu =waa- -kë -dhe -kɔ 'ö Atanna -ya pö- 'ka -a 'dhö, kö =waa- -zü bɔ -dhekpaɔyi "saɔple 'ka.

³¹Zu -yö Atanna -dhe -sü -në gun Dhaabö 'ö gun -zuadhe 'ka 'pö- bha- 'gü bha- -gɔ, 'yö -gblü 'wɔn 'suan- bho -me =ple 'ö Izraedhö -me -nu -wa bɔ kö -wo -nië "se bha- 'gü bha- -nu =yëë bho, 'yö- -nu kun -së 'yö 'yii- -nu 'sü -dhe ö 'yaa- 'dhö, 'yö- -wɔn 'gü, 'me 'wo gɔɔgbudhe -kë 'pö- bha- 'gü bha, -gblü -ya -nu zë, "kë 'yö 'wii yö -zë zë.

³²'A -më pö? Kö "tüng 'yaa n -gɔ kö 'a Zedeɔn -nu oo, Badhakö -nu oo, Sansɔn -nu oo, Zefute -nu oo, Davi -nu oo, Samiedhö -nu waa- Atanna -wudhiüloome -nu -bha pö. ³³Me 'wo bha- me 'bha -nu -kɔ 'ö =mɔɔ "segɔ -todhö -sü -nu -bha 'wo- kun -gblü 'ka, 'ö- me 'bha -nu -wo 'wɔn 'ö pö 'aa- -bha Atanna wëëdhö -a -kë, 'ö 'pë 'ö Atanna -ya "plüün bho -a -nu -dhe 'wo- =slɔɔ, 'ö Atanna -yö laabhölaa "dhi kun me 'bha -nu -bha 'ö 'yii -mɔɔ- -bha kö -ya -nu -kë -kɔ 'bha 'gü, ³⁴'ö 'wo- me 'bha -nu -da peng 'gü, 'ö peng -yö -kë -nu -bha -dhe 'yi 'dhö, 'ö 'yii 'wɔn 'bha bho- -nu -bha, 'ö- me 'bha -nu -wo dha -siang -gɔ bha -wa -wo "dhü -zu -yö Atanna -dhe -sü -në- "saa- 'gü. "Si 'yaa gun- -nu -dhe, "kë Atanna -yö -kë faan -da -nu 'gü -a "tüng -nu bha- 'gü 'ö 'wo -kë "kplëë 'ka 'yö 'wo dɔ -gblü -gɔ zian- 'wo- -kan. ³⁵Zu -yö Atanna -dhe -sü bha -në gun dhong -nu 'bha -nu -gɔ 'yö- -nu -bha me -nu 'ö =wa ga 'nu -a -nu -bö.

'Yö 'wo- me 'bha -nu -wëë -kë "dhiü wo 'yö 'wo- -nu zë- 'ka kö 'waa "wi- -bha kö -wo 'go wo -wu -ta kö -wo dha, kë "dhü kö Atanna -ya -nu -bö -tosea 'dhe 'ö -së 'ö -ziö -a 'dhe 'ö "kpong =taa yö- -ta bha -në- yi 'ka. ³⁶Yö 'wo =wëë dɔ- me 'bha -nu -bha, 'yö 'wo- -nu -ma =dedewo -zu -yö Atanna

-dhe -sü bha- -wɔn 'gü. 'Yö 'wo- me 'bha -nu -lö -piö löw" 'ka 'wo- -nu -da -kaso 'gü. ³⁷Zu -yö Atanna -dhe -sü -në- -wɔn 'gü, 'yö 'wo me 'bha -nu -zuö -gwë 'ka, 'yö 'wo- -nu zë- 'ka, 'Yö 'wo- me 'bha -nu "kplü bho "sii 'ka, 'yö 'wo- me 'bha -nu zë -siang 'ka, 'yö- me 'bha -nu 'wo -da "se "piü 'wo dho -dhe -nu 'gü kö "bhlaa kwi -nu "ɛen -bhu kwi -nu -në- sɔ 'dhö- -nu -bha, pë 'bha -pë 'bha 'yaa gun- -nu -gɔ, kö -wa -nu -wëë -kë "dhiü wo sië, 'ö 'wo 'wɔn -gban -wɔn -gban suu -wɔ -a -nu -ta. ³⁸-A -dhe 'yaa gun- -bha =dhe -zu -yö Atanna -dhe -me -nu 'wo "dhü bha -wo -tosea kë 'wɔnyaakëme -nu 'wo "kpung =taa yö bha- -nu kpö 'gü, -a -nu 'ta -kɔ -kë -së -wɔn bha -në- 'gü 'yö 'wo- -nu -kë 'wo kpö 'gü, 'yö 'wo dho "tungtadhe -nu waa- -tɔn 'gü -dhe -nu 'gü, 'yö 'wo dho 'wo -wɔ -gwë -ye 'gü -dhe -nu waa- -ye "wëë 'gü -dhe -nu 'gü.

³⁹Me "pepe 'wo "dhü bha- -nu 'dhia 'ö ma Atanna 'gü bha -yö -ma 'gü -a -nu -bha -zu -yö -a -dhe -sü -në- -wɔn 'gü. "Këë kö pë 'ö- "plüün bho- -nu -dhe 'wɔn bha- 'gü 'ö dhang- 'gü bha 'wii- -slɔɔ -a "töng bha- 'gü. ⁴⁰-A -gen -mü -dhe -yö -gun Atanna "piü =dhe 'me 'kwa "töng ya- 'gü kwa -bha -yö kë -së -a -nu -bha -bha, yö -në- -wɔn 'gü 'yö 'yii "wɔ- -bha kö -ya -nu -bha dha -sü bha -ya -gɔ -da 'plöö -a "tung bha- 'gü, kë "dhü kö kweng- -nu 'kwa- -slɔɔ kwa "kwëë.

12 ¹-A -kë "dhü -sü bha- 'gü, -dhe 'ö -kë -dhe kwaa -dɔ 'pö Atanna "sëë- kpö 'kpii- 'wo "dhü bha -wo -klëën -sü 'ka kwa -zü, 'ö- -nu "yan 'dhö kwa -bha bha, -ka -kwa kwa kwaa- pë "pepe 'ö -dhe -kwëë 'dhö 'ö -mɔɔ- -bha 'ö "kang -da kwa -gen 'gü, 'ö 'kwaa 'ta -sü Atanna -bha zian bha- -ta -dhe yö bha- -gban -zuö, kö 'wɔn yaa 'ö kwa -da 'gü -dhe 'dhö -së -dhe 'pë 'bha 'dhö bha 'kwa "kan- -bha, kö -beang 'ö Atanna -ya yi kpö kwa -gɔ bha 'kwa yö -në- 'sü kwa -sɔbhëë 'ka. ²Yesu 'ö kwa -bha -zu -yö Atanna -dhe -sü zühodhe waa- "dhiüyadhe 'ka bha -ka -kwa kwa "yan 'to yö -në- -bha. -A -gen -mü -dhe yö 'ö bha -në 'ö -wɔ -bha kö -wo 'ö zë "dhü -bha, 'yö ga -kɔ 'yiüsü 'ö- suu 'dhö "dhü bha- 'yiü- 'yii- kë, -dhe 'ö -kë -dhe zuëniidadhe 'kpii- -yö -ya -sü 'ka- -gɔ -a zian- -ta bha- -wɔn 'gü, 'yö dɔ 'kwa- wo =dëë ya 'ö -ya -sü 'ka -due =bhlëësü 'ö Atanna -bha -blüädhe -gbloo -ta -a "sɔɔ dhang- 'gü bha- 'gü.

³-A -kë "dhü -sü bha- 'gü, ka -zu 'ya 'dho bho- 'ka, 'ö ka 'gü -yö ga "yan -to -a -gɔ -sü 'ka, "ɛen 'ö ka -din -yö yën Atanna -bha 'ta bha- 'sü -sü -bha. -A -gen -mü -dhe yö 'ö bha -në 'wɔnyaakëme -nu 'wo 'wɔn -gban "pepe suu 'do 'do -wɔ -ta 'yö 'kun bho- 'gü. ⁴-A pö 'a- wo "dhü bha- 'klɔɔ- -mü -dhe, 'ö =dhe 'ko -zë 'wɔn yaa 'ka -sü 'dhö kö 'ya 'dho -da kaa- -tosea 'gü, kö ka- -bha =dedewo, "këë 'kii- zë -kö kö 'ka zun- 'ka ka -gɔ -to 'gü -wɔn -nu -bha. ⁵"ɛen ka faan dɔ -wɔ 'ö Atanna -ya pö ka -dhe =dhe me- pë pö me bhäng -nu -dhe 'ö- pö:

«N gbö, i Dëme =ya "wɔ- -bha kö 'wɔn -yö wɔ i -ta -yö 'kun bho i 'gü, 'ya 'dho i 'gü ga, kö -ya -kë "dhü kö 'ö i "klu -në- bho,

6 -A -gen -mü -dhe 'me 'ö- -dhɔ -yö kwa Dëme -kë,
 "ʔen 'ö- sü -dhe ö gbö 'dhö 'yö- "klu bho» bha ka -zu -në -ya bhɔ- 'ka
 -ee?

7 Saan" -nu 'ka- wo sië Atanna -bha zian -ta bha, -kaa 'kun ka -bha -dhe
 'pë 'ö ka dë -në ka "klu bho sië- 'dhö. -A -gen -mü -dhe sëë 'ka- bho "dhü
 bha -në- -zɔn -dhe Atanna -yö ka -sü -dhe ö bhang -nu 'dhö. "ʔen 'në 'bha
 -yö -dhö 'yö- dë 'yaa- "klu bho -ee? 8 Ya kë -dhe ka -zë 'yii ka "klu bho
 -dhe me -kpea -gban 'dhö, kö 'kaa- ga 'gü -në -në- 'ka. 'Yaa yö -zë 'ka, 'në
 dë "pepe -gban -wo wo bhang -nu "klu -në- bho. 9 -Kaa 'suan- bho kwa 'kpɔ
 -dë -nu 'wo "kpung =taa ya- -nu -bha. -Wo kwa "klu -në- bho kwa 'nëdhe
 'gü 'yö 'kwa =bhlëë -ya -nu -bha. Ya kë "dhü 'yö kwa Dë 'kö dhang- 'gü
 =we? -A -dhe a -bha =dhe 'kwa kwa -gɔ 'dho- -dhe 'sia- kö 'kwa dha. 10 -A
 -gen -mü -dhe kwa dë -nu -gun kwa "klu bho sië -dhe kpaɔyi "këë 'në 'bha
 -në- 'ka, kë "dhü kö 'kwa kë -dhe -kɔ 'ö- -nu "piü -dhe 'kwa kë- 'ka -a 'dhö,
 "këë kwa Dë Atanna -zë -yö kwa "klu -bho kwa -ɗa 'wɔn -së 'gü, kë "dhü
 kö 'kwa kë 'slüöslü 'pö -dhe -a 'dhö. 11 Wo me "klu bho sië "tüng 'ö- 'gü
 "dhü bha 'yaa dhi me -dhe, -a -gen -mü -dhe 'yaa bhɔ me 'gü 'wɔn -së -bha.
 "Këë -dhe 'ö- =trɔɔn 'ö -kë zuëyagblü- waa- -tosea 'ö pö 'aa- -bha -a kë -sü
 'ka bha =waa- =slɔɔ, 'yö 'wo- 'wɔn dɔ -dhe me "klu bho -sü bha 'wɔn -së
 -mü.

12 -Dhe 'ö "dhü, ka -gbe -nu 'ö "st 'yaa -nu -dhe 'zü bha -kaa 'wli, kö ka
 kpiögɔ -nu 'ö- -nu 'gü =ya ga bha 'ka- gba faan 'ka. 13 Kö 'ka "ta Atanna
 -bha -zian 'ö- du 'yaa- -bha bha -në- -ta kö 'ka 'dho- 'ka "dhiü, kë "dhü kö
 'me 'ö- -nu -gen -dhe =ya -ya -bha bha 'wa 'dho 'go zian -ta, "këë kö- -nu
 -gen -yö dɔ -në- wo =zinng 'gü.

14 -Ka ka 'gü dɔ 'gbu- kö kaa me =gban "pepe ka kë 'flëë- 'gü ka 'ko "piü,
 kö 'ka -tosea -së 'ö pö 'aa- -bha -në- kë. -A pö 'a- wo "dhü bha- 'klɔɔ- -mü
 -dhe -tosea 'ö suu 'dhö "dhü bha 'yii kë me 'ö- -gɔ, -a -me 'yii 'dho ö 'yan
 -kpan kwa Dëme -bha. 15 -Kaa kë -së kö me 'bha 'ya 'dho ö =taa zun -gasite
 'ö Atanna -ya -kë kwa -dhe bha- -gɔ. -Kaa kë 'zü -së kö 'wɔn yaa 'ö -dhe me
 zëpë -bhong 'dhö 'ö gun ka zuë" "piü, 'ö Atanna =yaa- -wo bha 'ya 'dho bhɔ
 'zü -deewo ka 'gü 'ö 'ka -da 'ka me 'gbe -gɔ 'gü 'ö teanwɔn 'ö -gban Atanna
 -bha bha- =dheng- -nu -gɔ. 16 -Kaa kë -së kö me 'bha 'ya 'dho kë -zuazëme 'ka
 ka kpö 'gü, "ʔen 'ö- -me -ya zë "wlaawɔn -nu 'wo "kpung =taa yö bha- -wɔn
 -dhe, 'ö pë -bhlëësü 'ö Atanna -ya nu- -dhe bha- -wɔn -ma "gbɔng 'ka -dhe
 Ezau 'dhö, kö -ya zë pë -bhö -kɔ doseng -wɔn -dhe kö -yö ö -bha 'kpiidhe 'go
 ö 'zlaa- -gɔ. 17 Kaa =dede ka- 'wɔn -dɔ =dhe =dhe 'ö =yaa- kë "dhü, 'ö- -nu dë
 'dhuë- -kë -a -nu -bha "tüng =ya -loo kö yöö ga, -yö -gun Ezau "piü -dhe 'wɔn
 'ö- -kë bha -yö 'ma -zukplü -bha kö ö dë -yö 'dhuë- bha- kë yö -në ö -bha, 'ö-
 =mɔɔ ö dë "dhiü 'gbu -nu =gban 'ka, "këë 'ö 'yii- =slɔɔ 'zü tongtongdhö.

18 'Wɔn "pepe 'a- pö bha- pö 'a- wo "dhü bha- 'klɔɔ- -mü -dhe -bhe a
 Atanna -dhe -me -nu 'dhe 'ka =dëe bha 'kaa -dhe Izraëdhö -me -nu 'wo

gun yi 'bha 'ka bha- -nu 'dhö. -A -gen -mü -dhe wo -zë -wo kē -yɔɔn -tɔn 'wo- Sinai -kë, 'ö mɛ- mɔɔ -bha mɛ- zun- -bha bha -në- "sɔɔ, kö peng -ya -bha -yɛdthö, 'sa kö -dhe -yö trö -sü 'ka mü -blünblündhö "dhü do, "kɛɛ kö "tɛɛ 'gbu- -yö ziö sië, ¹⁹kö "truu -yö "wɪ sië, kö -wo Atanna 'gblawu ma sië mü -dhe dha 'ö -wɪ -a 'dhö, 'ö -dhe 'ö Izraëdhö -mɛ -nu -wa mɛ "gblawu bha- ma 'yö 'wo- pö 'wa 'dho 'wɔn "wɛɛ 'bha pö wo -dhe -a 'dhe bha- zian 'gü 'zü, -a 'dhe bha -yaa- -nu -zu 'kun. ²⁰-A -gen -mü -dhe kö 'pë 'ö -wo bha 'ö- pö sië 'wo- ma 'ö- pö -dhe:

«Pë 'yaandhe suu "ɔɔ suu 'ö yaa- -zun -tɔn ya- -bha,
kö 'zü -ya kē wü -zian 'ka,
-wa -zuö -gwë 'ka kö -wa zë- 'ka» bha- ma -sü -ya kē- -nu 'gü -ziisü.

²¹'Ö 'wɔn bha- -bha -kë -ziisü -kɔ yaa 'gü yaa bha- -wɔn 'gü, 'ö Moizö -yö 'daɔnnu 'ö- pö:

«Dɔ 'a- wo ya -zii -në 'a- wo sië,
'suü 'ö -da n 'gü bha- -naa 'yaa 'dhö!»

²²"Kɛɛ ka -zë, Sion -tɔn waa- Zedhizadhëmö -pö 'ö Atanna 'yaandhe 'ö dhang- 'gü bha- -yɛa =bhaa -dhe 'ka, waa- -a -bha "kië "gblü mɛɛ -nu bha- -nu 'dhö bha -në 'ka =yɔɔn -sü 'ka- "sɔɔ. ²³Ka =yɔɔn -sü 'ka Atanna -bha 'në -blɛsü -nu kpö 'ö zuëniidadhe 'dhö- -nu -gɔ, 'ö- -nu 'tɔ -ben 'dhö zë -sü 'ka dhang- 'gü bha -në- "sɔɔ. Atanna 'ö yö -në dho za dɔ mɛ =gban "pɛpɛ suu -bha bha -në 'ka =yɔɔn -sü 'ka- "sɔɔ. Waa- 'mɛ 'wo- dhɔɔbhaawɔn -kë kwa "dhiü yi 'bha 'ka bha- -nu 'nii- 'ö 'bɔn -tangga -zian 'yaa- -bha 'zü 'ö 'wo- 'piü mü bha- -nu 'dhö. ²⁴Ka =yɔɔn -sü 'ka Yesu 'ö -mlɛɛ -dee -da kwaa- Atanna -nu kwa -zinng 'gü bha, waa- =yɔɔn 'ö 'yaa -dhe Abëdhö -bha 'dhö kö -ya -dhe Atanna -gɔ kö -yö 'ö bhlɔɔ bho, "kɛɛ 'ö kweng- -nu kwa -kɔ -në wü 'koo bha -në- gban "sɔɔ bha.

²⁵-A -kë "dhü -sü bha- 'gü, -kaa kē -së kö 'ka 'dho -kɔ Atanna 'ö dhiang zë sië ka -dhe bha- -wɔ 'ka. -A pö 'a- wo 'dhü bha- 'klɔɔ- -mü -dhe "sanni -yö 'wɔn bho 'mɛ 'wii wo "tu 'to dhiang 'ö- zë Sinai -tɔn =gbin- "kpung -taa yö yi 'bha 'ka bha- -bha bha- -nu 'gü bha -oo, 'yö 'ö -ya dhang- 'gü 'ö dhiang zë 'mɛ 'kö kwa -dhe -dɛɛ -a Gbö Yesu Klisi 'saa- 'gü -wɛ? ²⁶'Sa kö yö 'ö bha -në "sɛ -yö =zii -a -wɔ "dhiü yi 'bha 'ka, "kɛɛ 'yö -ya mü 'zü 'ö- pö kwa -dhe -dɛɛ 'ö- pö:

«'Sɛ =në n -wɔ -ya =zii yi 'bha 'ka,
"kɛɛ -a 'dhe 'kö yöö kē =taamasü ya- 'gü
kö -yö kē- "dhiütodhe 'ka bha dhang- -nu =gban -dho =zii!»

²⁷-Wɔ do 'dhe 'ö- pö 'ö- pö -dhe:

«-A 'dhe 'ö yöö kē =taamasü ya- 'gü,»

bha -në- -zɔn kwa -dhe =dhe pë "pɛpɛ 'ö Atanna -ya -da -a =gban- -dho =zii 'ö -ziö, 'yö- 'dhe 'ö -todhü -pë 'ka bha 'ö to.

²⁸=Dhe 'ö "dhü, n dheebhang -nu, =dhe 'ö -kë =dhe Atanna -ya kwa -ya -gblüdëdhe 'ö 'yaa yën -a këmɛ 'ka -dhe 'ö yö -zë 'yaa =zii -a 'gü bha -yö 'to

kwa 'yaan, kö- -dhökë -kɔ waa- -bha yë kè -kɔ 'ò -dhi -dhe -nè 'kwa- kè-
'ka, -a -bhlëë -ya -sü waa- -suü -gɔ -sü 'ka. ²⁹-A -gen -mü -dhe kwa -bha
Atanna bha peng 'ò me -bhö yö -mü, 'waa troo kè- -bha.

Atanna -dhidhewɔn kè -kɔ -dhiang 'wo- zè

13 ¹Ka -bha -kè dheebhangzè -nu 'ka -sü 'ò Klisi -bha zian -ta bha-
-wɔn 'gü, ka -dho 'ya 'dho bo ka 'ko kè -sü 'ka. ²Ka -zu 'ya 'dho
bho -dheng -nu -kun -sè -sü 'ka, -a -gen -mü -dhe me 'bha -nu kè Atanna
-bha "kië -nu -yëë -bho kö 'waa- 'wɔn dɔ -a -nu -bha -dheng -wɔn 'kun -sü
bha -nè- -wɔn 'gü. ³Ka -zu -yö -bö 'me 'wo -kaso 'gü -a -nu 'ka, =dhe 'pè ka
-nè 'ka -kaso 'gü -a 'dhö. Kö 'ka -ya 'me 'wo- -nu -wëë -kè "dhiü wo sië- -nu
-wɔn zuën -ta, -a -gen -mü -dhe =waa- -nu -ma -yö -ma -nu 'ka 'pö -dhe ka
dhö.

⁴Dhe waa- gɔn -a -nu -bha -kè 'ko "piü -sü 'ò- -nu -bha 'ko 'sü -sü 'gü
bha- -bhlëë -yö kè me =gban "pèpè ka -gɔ, kö dhebho 'ya 'dho 'ò -gɔn 'to
'ò -nië, "ɛen kö gɔɔn- 'ya 'dho 'ò -bha dhebho 'to 'ò -nië. -A -gen -mü -dhe
Atanna -dho 'wɔn bho -zuazème -nu waa- -da me -nu -bha dhe "piü -me
-nu 'gü waa -ziö me -nu -bha gɔn =kengme -nu 'dhö.

⁵'Wëëga -dho 'ya 'dho ka kè ka -bha -tosea 'gü 'ò -ziö 'ka -naa 'gü, pè
'dhe 'ò ka -gɔ -yö ka -zu 'kun, -a -gen -mü -dhe Atanna -ya -pö 'ò- pö:

«N -zu 'yii 'dho bho i -wɔn 'ka,

'mii 'dho n -kɔ "kan i "dhiü tongtongdhö.»

⁶Yö -nè- -wɔn 'gü, 'yö 'kwa =mɔɔ- -bha 'kwa- pö 'dhang -bho "dhiü 'ka -dhe:

«N Dème bha -nè -nu n -dhe -me 'ka,

-a -kè "dhü -sü bha- 'gü, "suü 'yii 'dho n kè,

-a -gen -mü -dhe -mè "wëë 'ò me "bhu- =mɔɔ- -bha 'ò- -kè n 'ka?»

⁷Ka -zu 'ya 'dho bho 'me -blesü -nu 'wo Atanna -wɔn -dhiang zè ka
-dhe, 'wo zian bho ka 'ka bha- -nu 'ka. -Kɔ 'wo wo -zu yö- 'ka Atanna -dhe
'ò to- 'ka "dhü 'ò zun- 'ka- -nu gayi -bha bha, -yö kè ka -gɔ kö 'ka -tosea kè
'pö -dhe -kɔ 'wo- -kè 'ka bha- 'dhö. ⁸-A -gen -mü -dhe Yesu Klisi bha, -kɔ
do 'ò gun- -bha yi 'bha 'ka 'yö- -bha =dɛɛ, 'yö dho 'to- 'ka "dhü -todhü 'ka.
⁹Atanna -dhökë -kɔ -dee 'gbe =ya sɔ, "kɛɛ 'wa 'dho "kpënn- kè ka -gɔ -a
'bha 'ka 'ò ka -zu kun 'ò- -nu -kɔ -yö =mɔɔ ka -bha. 'Wɔn 'ò -sè kwa -bha
'ka yö -mü -dhe kö kwa zuë" -yö bho Atanna -bha -gasite 'ò- -kè kwa -dhe
bha -nè- -bha kö -yö kwa gba faan 'ka, pè -nu 'ò -gban -bhöpè -nu 'ò me
-ya -bhö "ɛen 'ò me 'yaa- -bhö -a -wɔn -bha bha ka "tu 'ya 'dho kè- -bha. -A
-gen -mü -dhe me "pèpè 'wo wo -dɪ nu 'wɔn -nu bha- -dhe 'wo -bho 'ka yi
'bha 'ka bha, 'wii- =trɔɔn 'bha =slɔɔ do.

¹⁰'Me 'ò 'kwa 'dhang bho kwa Dème Yesu Klisi 'ò 'ò -dɪ -kè "saa- 'ka me
'bhu- -nu -bha 'wɔn yaa -bho -a -nu -bha -wɔn 'gü bha- "dhiü bha kwa -nè
'kwa dha -sü =dede =slɔɔ, "kɛɛ 'me 'kö 'wo wo -dɪ nu "kian suu -nu bha- -nu
'kun -sü -dhe kö yö -nè -ya -nu dha bha 'waa- =slɔɔ. ¹¹'Ò gun yi 'bha 'ka,

wü -yɔɔŋ 'ö "saabhome 'kpii- gun- 'sü sië 'ö dho- 'ka 'ö "sɛgümɛ -nu -bha "saa- bho- 'ka Atanna -dhɔkɛdhe =dede 'gü, kɛ "dhü kö -ya -nu -bha 'wɔŋ yaa -mawɔŋ 'to bha =waa- kɛ "dhü, 'yö 'wo- wü =dede -zɛ sü 'wo dho- 'ka "saan zlöö, 'yö 'wo- -gü mü. ¹² Wɔŋ 'ö- wɔŋ 'gü, 'yö Yesu -dɪ pö 'yii ga 'pö- yaan- -bha bha 'yö bha. -Yö ka -wɪ -bha 'ö ga "saan "dhiü "kɛ kö yö -nɛ gun 'yiü- -wɔŋ 'ka. Kɛ "dhü kö 'ö 'wɔŋ yaa bho mɛ "bhu- -nu -bha 'ö -dɪ -yɔɔŋ 'ka. ¹³ Dhɛ 'ö "dhü, n dheebhang -nu, -ka -kwa 'go -yɛa zii bha- 'gü kö 'kwa 'dho Yesu =keng-, kö -kɔ do 'wo 'yiü- dɔ- 'ka- -bha 'ö- kun 'ö -bha bha 'kwa kwa -bha 'kun 'ka kwa -bha 'pö. ¹⁴ -A -gen -mü =dhe "kɔŋgtaadhe ya -yɛa 'ö dho kɛ kwa -yɛa 'ka 'ö dho 'to -todhü 'ka 'yaa mü. -A -wɔŋ 'gü, -a 'dhe 'ö nu sië -dhekpao dhia" 'gü bha -nɛ 'kwa- mɔɔ- sië. ¹⁵ -A -kɛ "dhü -sü bha- 'gü, Atanna nuɛ" bho -sü kö 'kwa- 'tɔ bho mɛ kpö 'gü bha =nɛ -yö kɛ kwa -bha yɛ 'ka -kɔpɛkɔpɛawo Yesu Klisi 'saa- 'gü, kö -yö kɛ =dhe kwa -bha "saa- pɛ 'dhö. ¹⁶ Ka -zu 'ya 'dho bho ka 'ko -ta -kun 'wɔŋ -nu 'gü -sü waa- 'wɔŋ -sɛ kɛ -sü 'ka. -A -gen -mü =dhe "saa- suu 'dhe 'ö bha =nɛ- "dhia -yö ma Atanna 'gü.

¹⁷ -Ka =bhlɛɛ -ya -zun ka -dhe "dhiü -mɛ -nu -bha kö 'ka ka -gɔ 'dho- -nu -dhe 'sia-. -A pö 'a- wo "dhü bha- 'klɔɔ- -mü =dhe wo =nɛ Atanna dho- -nu dhɛɛ" 'kpɔ ka 'nii- -wɔŋ 'ka. -A -wɔŋ 'gü, wo =nɛ 'wo "töŋg kɛ sië ka 'gü. =Ya kɛ =dhe 'ka- -nu -wɔ =bhlɛɛ -ya, yɛ 'ö Atanna -ya -ya -a -nu =kwɛɛ "dhü bha -wo -dho -a kɛ =niida 'ka, "kɛɛ 'kii- -nu -wɔ =bhlɛɛ -ya -wo -dho -a kɛ wɛ 'gü -siö 'ka, 'sa =ya kɛ "dhü kö- =trɔɔŋ 'yii 'dho kɛ ka =nɛ ka -bha.

¹⁸ Ka 'gü 'ya 'dho ga -bheɛ yi -wɔŋ 'gü -sü 'ka, -a -gen -mü =dhe 'yaa 'yi "piü =dhe yi "ta -kɔ -yö -siö tongtongdhö. "Kɛɛ yö -zɛ =gban 'gü, yi zuɛ" 'yaa za dɔ yi -bha, yi 'dhang bho -sü -yö yi -dɪ "dhiü yö -zɛ 'gü. ¹⁹ -A- -dhe ka -gɔ kö 'ka bheɛ" Atanna -dhe -dɪ -wɔŋ "dhiü n -wɔŋ 'gü, kɛ "dhü kö -yö 'wɪ- -bha kö 'a n yee kɛ ka -dhe 'gü 'piö-.

²⁰ Kö Atanna 'ö -ya -dɪ 'flɛɛ- 'gü -sü 'dhö yö =nɛ- -gɔ, 'ö yö =nɛ -tuü -maakɛmɛ =gban 'kpii- -sü 'ka, 'ö yö =nɛ kwa Dɛmɛ Yesu 'ö -mlɛɛ -dee 'ö- "dhiütodhe 'yaa 'dhö -a -da kweng- -nu kwa =zinng 'gü -a -yɔɔŋ 'ka bha- -bö, 'ö- -bho ga 'gü bha, ²¹ -yö "ta -kɔ -sɛ suu =gban "pɛpɛ 'do 'do kɛ -sü 'sɪ kɛ ka -dhe, kɛ "dhü kö- -dhidhewɔŋ =nɛ 'ka- kɛ, kö -yö 'pɛ 'ö- "dhia 'dhö 'ö 'gü =nɛ- -ya ka 'gü, Yesu Klisi 'saa- 'gü, "kɛɛ kö yö Yesu Klisi =nɛ- 'tɔ -yö bho -kpɛawo bha 'aa -yö kɛ.

²² N dheebhang -nu, bheɛ" =nɛ 'a- wo ka -dhe kö 'ka dɔ "gbu- kö ka faan dɔ -wɔ -nu 'a- pö sië ka -dhe bha 'ka- 'kun zuɛsɛadhe 'ka, 'pɛ 'a- pö ka -dhe 'sɛɛdhe ya- 'gü bha- -bha -kɛ klöö- -sü -wɔŋ 'gü. ²³ -Yö n "piü =dhe 'a- pö ka -dhe =dhe kwa dheebhang Timote bha =ya 'go -kaso 'gü, =ya kɛ =dhe =ya nu kö -yö =loo n "piü yö 'piö-, 'a nu sië ka -dhe 'gü yeng yi -dho nu yi "kwɛɛ. ²⁴ Mɛ "pɛpɛ wo -zun ka -dhe "dhiü -mɛ -nu 'ka bha, 'ma- =gban =tua bho 'gbɛ, mɛ "pɛpɛ 'wo Atanna -bha mɛ 'ka 'ma- =gban =tua bho 'gbɛ. Kwa dheebhang -nu 'wo Itadhi -sɛ 'gü =wa ka =tua bho 'gbɛ. ²⁵ Kö Atanna -yö -gasitɛ kɛ mɛ =gban "pɛpɛ ka -dhe bha 'aa -yö kɛ.